

四庫全書

史部

欽定四庫全書

欽定大清一統志卷一百四十九

開封府

河南省治東西距三百七十里南北距二百八十里東至歸德府西至陳州府南一百四十里西

至河南府葦縣界二百五十里南至陳州府西華縣界二百三十六里北至衛輝府封邱縣界五十

里東南至陳州府太康縣界一百四十里西南至河南府登封縣界三百十五里東北至衛輝府考

城縣界一百五十五里西北至懷慶府溫縣界二百六十五里自府治至京師一千五百八十里

分野天文觜觿參分野實沈之次蕪角亢分野壽星

之次

建置沿革禹貢豫州之域周為鄭杞二國地戰國為

魏國都曰大梁秦為三川郡地漢元狩元年分置

陳留郡屬兗州後漢因之晉改曰陳留國

晉書地理志

季龍改為建昌郡

劉宋復曰陳留郡後魏太和十八年郡

廢孝昌中復置東魏天平初於郡置梁州後周改

州曰汴州隋開皇初郡廢大業初州廢為滎陽郡

地

郡治府西境

義寧元年復置汴州唐武德四年置總

管府七年改為都督府天寶初復曰陳留郡乾元

初復曰汴州屬河南道興元二年徙宣武軍節度

來治

唐書方鎮表至德元年置河南節度治汴州乾元元年廢竇應元年復置大曆十一年廢

興元二年自宋州徙宣武軍節度治汴州

五代梁建東都升為開封府

後唐復曰汴州宣武軍晉漢周復都之曰東京開

封府宋因之金初曰汴京貞元元年改曰南京貞

祐二年復都焉元初曰南京路至元二十五年改

曰汴梁路為河南江北行中書省治明洪武元年

建為北京二年罷京仍曰開封府為河南布政司

治

本朝為河南省治乾隆四十八年以陽武隸懷慶府

封邱隸衛輝府今領州二縣十五

祥符縣

附郭東西距七十里南北距一百五里東至陳留縣界三十五里西至中牟縣界三

十五里南至尉氏縣界六十五里北至衛輝府封邱縣界四十里東南至通許縣界三十五里西南

至尉氏縣界三十五里東北至蘭陽縣界四十里西北至懷慶府陽武縣界六十里本戰國時魏大

梁漢置浚儀縣屬陳留郡後漢因之晉初屬陳留國後廢後魏孝昌二年復置并移陳留郡治此東

魏為梁州治後周為鄭州治隋屬滎陽郡唐仍為汴州治延和元年又分置開封縣與浚儀並為州

治五代及宋俱為開封府治大中祥符三年改浚
儀曰祥符金因之元為汴梁路治明初省開封治
入祥符仍為開封
府治本朝因之陳留縣在府東少南五十里東
七十里東至杞縣界三十里西至祥符縣界三十
五里南至通許縣界四十里北至蘭陽縣界三十
里東南至杞縣界二十里西南至祥符縣界二十
里東北至蘭陽縣界四十里西北至祥符縣界十
五里春秋時鄭留邑戰國魏小黃邑秦置陳留縣
漢元狩元年於縣置陳留郡兼領小黃縣後漢因
之晉曰陳留國移治小黃縣省陳留入之後魏太
平真君八年又省小黃太和中復置小黃縣屬陳
留郡北齊又省隋開皇六年復置陳留縣屬宋州
大業初屬梁郡唐武德四年屬杞州貞觀元年屬
汴州五代屬開封府宋金
元明不改本朝因之杞縣在府東一百里東
西距六十里南北

距一百二十里東至歸德府睢州界三十里西至
陳留縣界三十里南至陳州府太康縣界七十里
北至蘭陽縣界五十里東南至歸德府柘城縣治
一百十里西南至通許縣治六十里東北至儀封
縣治七十里西北至陳留縣治五十里周初為杞
國春秋為宋雍邱邑秦置雍邱縣漢屬陳留郡後
漢及晉因之後魏孝昌四年於縣置陽夏郡隋開
皇三年郡廢十六年改置杞州大業初州廢縣屬
梁郡唐初仍為杞州貞觀元年州廢縣屬汴州五
代晉改曰杞縣漢周仍曰雍邱屬開封府宋因之
金正隆後復為杞縣元屬汴梁
路明屬開封府 本朝因之 通許縣 在府東南
西距五十里南北距八十里東至杞縣界三十里
西至尉氏縣界二十里南至陳州府扶溝縣界四
十里北至陳留縣界四十里東南至陳州府太康
縣界五十里西南至鄆陵縣界三十里東北至杞

縣界三十里西北至祥符縣界三十里本漢陳留扶溝二縣地宋建隆初置通許鎮咸平五年升為

延平縣屬開封府金大定二十九年改曰通許元屬汴梁路明屬開封府本朝因之尉氏

縣在府西南九十里東西距七十里南北距七十里東至通許縣界二十里西至中牟縣界五十

里南至鄆陵縣界四十里北至祥符縣界三十里東南至陳州府扶溝縣治九十里西南至洧川縣

界三十里東北至陳留縣治一百里西北至中牟縣界三十里春秋時鄭尉氏邑漢置縣屬陳留郡

後漢及晉因之後魏興安初省入宛陵大安三年復置東魏天平初改屬開封郡北齊縣廢隋開皇

六年復置屬許州大業初屬潁川郡唐武德四年于縣置洧州貞觀元年州廢縣屬汴州五代屬開

封府宋金元明不洧川縣在府西南一百五十里改本朝因之東西距五十里南北距

八十里東至尉氏縣界三十里西至新鄭縣界二十里南至許州界二十里北至中年縣界六十里東南至鄆陵縣界三十五里西南至許州長葛縣界十二里東北至尉氏縣治六十里西北至鄭州治七十里本漢陳留郡之尉氏潁川郡之長社河南郡之苑陵三縣地劉宋為南梁郡地東魏為許昌郡地唐宋為尉氏縣地金興定二年始置洧川縣屬開封府元屬汴梁路明屬開封府本朝因之

鄆陵縣

在府南一百六十里東西距五十五里南北距一百二十里東至陳州府扶溝

縣界二十里西至許州界三十五里南至陳州府西華縣界八十里北至尉氏縣界四十里東南至西華縣治九十里西南至許州治七十里東北至通許縣治九十里西北至洧川縣治七十里春秋鄭鄆邑漢置鄆陵縣屬潁川郡後漢魏晉因之東魏屬許昌郡北齊省入許昌縣隋開皇七年復置

十六年于縣置洧州大業初州廢縣屬潁川郡唐武德四年復置洧州貞觀初州廢縣屬許州五代宋金元明俱屬開中府
中府 本朝因之 中府 在府西七十里東西距七十里南北距一百十里東至祥符縣界三十五里西至鄭州界三十五里南至洧川縣界六十里北至懷慶府陽武縣界五十里東南洧氏縣界六十里西南至新鄭縣界五十五里東北至祥符縣界三十五里西北至懷慶府陽武縣界五十五里春秋鄭原圃地漢置中平真君八年省入陽武景明元年復置東魏太平初于縣置廣武郡隋開皇初郡廢改縣曰內年屬鄭州十六年析置郊城縣十八年改內年曰圃田大業初并郊城入圃田屬滎陽郡唐武德三年復改圃田曰中年併置年州四年州罷縣屬管州貞觀元年屬汴州龍朔二年改屬鄭州五代梁屬開

封府唐復屬鄭州晉仍屬開封蘭陽縣在府東北
府宋金元明不改本朝因之

西距三十五里南北距一百里東至儀封縣界十

五里西至陳留縣界二十里南至杞縣界五十里

北至直隸大名府長垣縣界五十里東南至歸德

府睢州治九十里西南至陳留縣治六十里東北

至直隸大名府東明縣治一百二十里西北至封

邱縣治九十里春秋戶牖邑漢置東昏縣屬陳留

郡後漢因之晉廢五代為東昏鎮宋乾德元年置

東明縣屬開封府金時徙東明縣于河北後以故

地改置蘭陽縣屬曹州元屬汴儀封縣在府東北

梁路明屬開封府本朝因之

里東西距五十里南北距四十五里東至衛輝府

考城縣界三十五里西至蘭陽縣界十五里南至

杞縣界十五里北至直隸大名府長垣縣界三十

里東南至歸德府睢州界十五里西南至陳留縣

界十五里

治八十里東北至山東曹州府曹縣界五十里西北至長垣縣界三十五里春秋衛儀邑漢為東昏縣地唐為考城縣地宋為東明縣地金于東明故地析置儀封縣屬曹州元屬睢州明屬開封府本朝因之鄭州在府西少南一百四十里東西距五十里南北距六十五里東至中年縣界三十五里西至滎陽縣界十八里南至新鄭縣界三十五里北至懷慶府原武縣界三十里東南至洧川縣治七十里西南至密縣治一百五十里東北至原武縣界三十里西北至滎澤縣界三十五里周初管國春秋屬鄭戰國屬韓秦屬三川郡漢屬河南郡為京中年二縣地晉為滎陽郡地後周為滎州地隋初為鄭州地開皇十六年始分置管城縣於縣置管州大業初廢管州移鄭州來治尋改為滎陽郡唐武德四年徙鄭州治虎牢復置管州貞觀元年州廢七年復移鄭州來治天寶初改

曰滎陽郡乾元初復曰鄭州五代因之宋曰鄭州
滎陽郡景祐元年置奉寧軍節度熙寧五年州廢
屬開封府元豐八年復置屬京西路金曰鄭州屬
南京路元屬汴梁路明初省管城縣入州屬開封
府本朝雍正二年分為直隸州領滎陽
滎澤河陰汜水四縣十二年仍屬開封府
滎陽縣
在府西二百十里東西距六十里南北距七十五
里東至鄭州界五十里西至汜水縣界十里南至
密縣界五十里東至滎澤縣界二十五里東南至
新鄭縣治一百十里西南至密縣治七十里東北
至滎澤縣治五十里西北至懷慶府溫縣治八十
里春秋鄭京邑漢置京縣屬河南郡後漢因之晉
改屬滎陽郡宋為滎陽郡治後魏太和中移滎陽
郡及滎陽縣治此以京縣屬焉北齊省京縣入滎
陽改郡曰成皋隋開皇初郡廢縣屬鄭州大業初
屬滎陽郡唐屬鄭州天授二年改曰武泰萬歲通

天元年復曰滎陽二年又曰武泰神龍初復故五代因之宋熙寧五年省入管城元祐元年復置屬鄭州金元明因之本朝屬開封府雍正
二年屬直隸鄭州十二年仍屬開封府
滎澤縣
在府西一百四十里東西距六十里南北距三十
五里東至懷慶府原武縣界十五里西至汜水縣
界五十里南至鄭州界十里北至衛輝府獲嘉縣
界二十五里東南至中年縣治一百十里西南至
滎陽縣治五十里東北至原武縣治四十里西北
至懷慶府武陟縣治六十里春秋滎澤地戰國韓
滎陽邑漢置滎陽縣屬河南郡後漢因之建安中
置滎陽都尉三國魏置滎陽郡尋罷晉太始二年
復置郡宋因之後魏移郡縣皆治京縣界隋開皇
四年復于故滎陽地置廣武縣仁壽元年改名曰
滎澤屬滎陽郡唐屬鄭州五代因之宋熙寧五年
省入管城縣元祐元年復置屬鄭州金因之元屬

汴梁路明屬鄭州 本朝屬開封府雍正
二年屬直隸鄭州十二年仍屬開封府 汜水縣

在府西二百五十里東西距四十五里南北距六
十五里東至滎陽縣界三十里西至河南府鞏縣

界十五里南至河南府登封縣界五十里北至懷
慶府溫縣界十五里東南至密縣界四十五里西

南至登封縣治一百三十里東北至滎澤縣界二
十里西北至溫縣治三十五里春秋鄭虎牢邑戰

國韓成畢邑秦置成畢縣漢屬河南郡後漢魏晉
因之義熙中於縣置司州後魏泰常末改豫州太

和十九年罷州置東中府東魏天平初復置北豫
州兼置成畢郡後周改置滎州隋開皇初改曰鄭

州十八年改成畢縣曰汜水大業初屬滎陽郡唐
武德四年復置鄭州七年移州治管城以汜水屬

之顯慶二年改屬洛州垂拱四年改縣曰廣武神
龍元年復曰汜水乾元後屬河陽三城使會昌三

年屬孟州五代因之宋慶厯三年屬河南府熙寧
五年省入河陰元豐二年復置仍屬孟州金改屬
鄭州元明因之本朝屬開封府雍正禹州在府
二年屬直隸鄭州十二年仍屬開封府
百二十里東西距九十里南北距八十五里東至
許州界三十五里西至河南府登封縣界六十里
南至許州襄城縣界四十里北至新鄭縣界四十
里東南至許州臨潁縣治一百里西南至汝州郟
縣治七十里東北至新鄭縣界七十里西北至密
縣界六十里古夏禹國春秋時鄭櫟邑戰國曰陽
翟為韓都秦始皇十七年置潁州郡漢元年為韓
國六年後為潁川郡後漢因之晉移郡治許昌以
陽翟縣屬河南郡後魏興和元年分置陽翟郡隋
開皇初郡廢縣屬許州唐初屬嵩州貞觀元年改
屬許州龍朔二年屬洛州會昌三年還屬許州五
代因之宋元豐三年縣屬潁昌府金初于縣置潁

順軍大定二十二年改軍為潁順州二十四年又改為鈞州屬南京路元屬汴梁路明初省陽翟縣

八州屬開封府萬歷三年改為禹州本朝雍正

二年升為直隸州十二年改屬許州府乾隆六年

復改許州府為直隸密縣在府西二百二十里東

州仍分屬開封府西距八十里南北距七

十里東至新鄭縣界四十里西至河南府登封縣

界四十里南至禹州界四十里北至滎陽縣界三

十里東南至新鄭縣界五十五里西南至登封縣

界二十五里東北至新鄭縣界五十五里西北至汜

水縣界三十里周密國春秋為鄭新密邑漢置密

縣屬河南郡後漢因之晉屬滎陽郡宋魏因之後

周改屬鄭州隋大業初省入新鄭十二年復置唐

武德三年于縣置密州四年州廢縣屬鄭州龍朔

二年改屬洛州開元元年屬河南府五代因之宋

崇寧四年改屬鄭州宣和二年屬河南府金復屬

鄭州元至元二年改屬鈞州明萬厯二年屬禹州
本朝初屬開封府雍正二年分屬禹州十二年
屬許州府乾隆六年改許州
府為直隸州仍分屬開封府
新鄭縣在府西南一
府為直隸州仍分屬開封府
西距七十里南北距七十里東至洧川縣界三十
里西至密縣界四十里南至許州長葛縣界二十
里北至鄭州界五十里東南至長葛縣界二十里
西南至禹州界二十里東北至中牟縣界四十里
西北至滎陽縣治一百十里周初鄆國春秋為鄭
國都戰國屬韓嘗都之秦置新鄭縣又分置苑陵
西陵二縣皆屬河南郡後漢因之晉省新鄭入苑
陵屬滎陽郡東魏天平初改屬廣武郡隋開皇十
八年復置新鄭縣屬管州大業初省苑陵縣入之
屬滎陽郡唐初屬管州貞觀元年屬鄭州五代因
之宋熙寧五年改屬開封府元豐八年復屬鄭州
金改屬鈞州元因之明隆慶五年屬開封府本

朝雍正二年改屬禹州十二年屬許州府乾隆六年改許州府直隸州仍分屬開封府

形勢天下之衝四通八達之郊

史記鄆生傳

舟楫車馬商

賈輻輳為一大都會

圖經

岡阜繚轉龍蟠虎伏

宋李清臣

汴都記

城浚而都派河而渠結坤之絡振乾之樞

宋梁

周翰五鳳樓賦

風俗地居土中物受正氣其人性而才慧其地產

厚而類繁

唐杜佑通典

地為四戰其俗右武人具五都

其氣習豪

唐劉禹錫汴州廳壁記

梁魏之墟人多俊髦好儒

雅雜以游豫有魏公子之風難動以非易感以義

宋樂史太平寰宇記

重禮義勤耕經

宋史地理志

俗尊年齒學尚

經術

明統志

城池開封府城

周二十里有奇門五池廣五丈唐建中二年建明洪武初甃以磚石崇禎

末為河水灌圯

本朝康熙初重修

陳留縣城

周七里門

四池廣一丈五尺隋大業十年修

乾隆三十年重修

杞縣

城

周九里門五池廣二丈元初建明洪武初因舊修築崇禎八年甃磚

本朝康熙三十年修乾

隆三十六年重修

許縣城

周四里門六池廣二丈唐建明本朝順康熙間重修乾

欽定四庫全書

卷一百四十九

隆二十九年重修尉氏縣城周七里門六池廣二丈漢建

築乾隆二十年周七里門四池廣五丈舊

洪武初以水患遷築于此在縣南即唐廢州基址明

景泰初因舊修築崇禎六年本朝順治康熙中屢修鄆陵縣城周六里門四

治十五年本朝順治康熙中屢修縣城周六里門四池廣一丈二尺明天順中改建

崇禎七年本朝順治二年康熙十一年修乾隆二十六年本朝順治二年康熙十一年修崇禎七年蘭陽縣城周五里門四池廣一

明洪武初重築崇禎八年本朝康熙二十七年重修儀封縣

城周八里門六池廣八尺明洪武鄭州城周九里

中增築本朝康熙二年修有奇門

四池廣四丈唐武德四年建明崇禎十二年
榮磚 本朝順治二年修乾隆三年重修 榮陽

縣城 周五里門五池廣二丈後魏建明洪武初修
築 本朝順治二年修乾隆二十八年重修

榮澤縣城 周四里門四池廣五丈明成化中徙築
崇禎六年建重城複濠遠以土隄止留

南門 本朝順治十二年修康熙
熙中屢修築乾隆十年重修 汜水縣城 周五里

廣二丈明洪武初築崇禎十六年移治西北摩天
砦依成畢舊址築新城 本朝順治二年復還舊

城乾隆二十七年重修 禹州城 周十里門四引潁水至南濠
七年重修 明正統中修築 本朝康熙

二十五 密縣城 周七里門四池廣二丈明洪武三
年修 年增築 本朝順治六年建門樓

角樓乾隆二十八年重修 新鄭縣城 周九里門四池廣一丈四
尺明宣德元年因舊址修

本朝順治六年十五
年修乾隆十年重修

學校開封府學

在府治東南隅舊在城南隅明洪武二十四年徙此天順五年重建于謙

有碑記明末圯本朝順治祥符縣學在縣治東
九年重建入學額數二十名南舊在舊

縣治西北明洪武五年建本朝順治陳留縣學
十一年改建今所入學額數二十名

在縣治西北明洪武十三年改建于東杞縣學在
本朝順治八年修入學額數十五名

明洪武三年建本朝順治十六通許縣學在縣
年重建講堂入學額數二十名

北明洪武三年建本朝順尉氏縣學在縣治東
治十年修入學額數十五名南明洪武

三年建本朝康熙二十二洧川縣學在縣治東
年重修入學額數十二名南明洪武

三年建 本朝順治康熙
鄆陵縣學 在縣治東南
間廩修入學額數十二名 明洪武三年

建 本朝順治康熙間
中年縣學 在縣治東南明
廩修入學額數十五名 洪武三年建

本朝康熙二十二年
蘭陽縣學 在縣治東明洪武
修入學額數十五名 本朝順

治康熙中屢修入
儀封縣學 在縣治東南明洪武
學額數十二名 本朝

順治三年修入
鄭州學 在州治東元建明洪武三
學額數十二名 本朝順治六年

修入學額
滎陽縣學 在縣治東北金承安中建明
數十五名 洪武三年重建 本朝順治

十四年修入學
滎澤縣學 在縣治東南明成化十
額數十三名 五年自縣治東徙建於

此 本朝康熙三十八年修入學額數十二名又
河陰鄉學在河陰廢縣城內明洪武三年建 本

朝順治十年修乾隆三十年裁河陰縣
縣歸併榮澤改為鄉學入學額數八名
汜水縣學

在縣治西明洪武中建
本朝康熙四十年修入學額數八名
禹州學
舊在州治東北

金貞元中徙建州治西南明洪武三年重建
本朝順治十六年修入學額數十五名
密縣

學
在縣治東元至正中建明洪武三年重建
本朝順治三年修入學額數十五名
新鄭

縣學
在縣東南明洪武三年重建
本朝順治十年修入學額數十二名
大梁書院

在府城內西南隅舊名震澤
年改建五十八年
本朝康熙三十五年

聖祖賜御書兩河文教額又府城內有游梁書院祀亞聖
孟子康熙二十八年建三十三年

聖祖御書昌明仁義額又陳留縣觀化書院乾隆十八年
建杞縣志學書院乾隆二十年建通許縣咸平書

院明天啟四年建鄆陵縣文清書院舊名龍岡書院本朝乾隆十六年建二十七年重修改今名

蘭陽縣豹陵書院乾隆十一年建鄭州才里書院乾隆十九年建滎澤縣人龍書院康熙二十九年

建滎陽縣汴源書院汜水縣成皋書院康熙十五年建禹州丹山書院東峯書院俱康熙五十五年

建密縣檉陽書院乾隆九年建新鄭興學書院乾隆十一年建又各州縣俱有社學義學

戶口原額人丁十七萬九千九百九十九滋生人丁二百二十二萬五千五百零

田賦民衛田地十四萬三千四百二十五頃二十四畝零額徵補徵雜辦丁銀匠價等銀六十八萬

四千一百八十兩五錢零正兌改正稅潤耗銀糧等米四萬九千七百一石九斗八升零豆一萬二

千七十四石八斗零麥三千一百七十七石五斗零隨漕輕折等銀二千八百四十八兩七錢四分零

山川夷門山

在府城內東北隅一曰夷山以山勢平夷而名大梁舊有夷門蓋以山名

五

鳳山

在尉氏縣南其西舊有響臺遺址僅存山之前三里有紫鹿岡

大隧山

在洧川縣

西南十里一名牛脾山高二十餘仞長七八里其中斷處為大隧澗兩崖壁立中有坦途可容方軌

相傳即鄭莊公迎母處徐齊民北征記

牟山

在中牟縣

北五里高丈餘長數十里上有牟山廟又土山在縣南三十里

白雲山

在蘭陽縣西十二里

土山無石河南通志每旦有雲氣上騰故名下有張良洞世傳為子房辟穀處

豹陵山

在蘭陽縣

陽縣東北寰宇記在東明縣東南二十里皇覽云蘭陽城西有土山名豹陵舊志有韓陵在今縣東

北五里上有曉月臺

紫荊山

在鄭州城北

梅山

在鄭

相傳韓王成墓處

州西南三十五里與許州新鄭縣接界左傳襄公
十八年楚薦子馮公子格率銳師右回梅山侵鄭
東北杜預注在滎陽密縣東北李吉甫元和郡縣
志山在管城縣西南三十里舊志峯巒尖秀峭拔
數十丈西北麓有深澗澗中有洞洞前泉水極甘
山東南有峯高廣多雲氣俗稱為泰山三面皆斷
崖絕壁惟東南
隅疊石為磴道
大周山在滎陽縣南三十五里中
有三泉峪乃汴水發源于
此宋仁宗時曹皇后建塔其上又嵩渚山在滎陽
縣東南二十五里一名小陁山京水出焉萬山在
縣南二十里高渚山之西須水出焉清水嶺在縣
東南索水出焉賈谷山亦在縣東南賈峪水出焉
按舊志云水經注索水出京縣西南高渚山器
難水出小陁山本二山二水也元和志索水出縣
南三十里小陁山是合罷難索水為一水寰宇記
嵩渚山一名小陁山俗名周山在縣南三十五里

是併合嵩渚小陘為一山矣明統志大周山在縣東南三十五里一名小陘山又與邑乘不同疑書皆有悞今據輿圖詳考滎陽縣山勢綿延峯巒錯列皆在城南一帶分之則名目衆異合之亦未始不可相通故水經注元和志寰宇記明統志志載各殊今就府志詳載名目以便稽考

廣武

山

在滎澤縣西河陰縣北五里東連滎澤西接汜水史記漢四年項王與漢俱臨廣武而軍孟康

注與滎陽築兩城相對曰廣武在敖倉西三皇山上後漢書劉昭注西征記曰滎陽有三皇山或謂三皇山上有二城東曰東廣武西曰西廣武各在一山頭相去二百餘步其間隔深澗漢高祖與項籍語處鄴道元水經注西廣武城漢所築山下有水北流入濟謂之柳泉東廣武城項羽所築今名其壇曰項羽堆夾城之間有絕澗斷山謂之廣武澗括地志廣武山在滎澤縣西二十里元統志山

在河陰縣北一里東連滎澤西連汜水縣界汜水縣志廣武山沿河東趨延袤六十餘里西盡于玉門與大伾相對東過河陰盡于滎澤之西官渡之濱河陰縣志山在縣東北十里外捍大河內包原壤上有九頂十八峪

武濟山

在滎澤縣西河陰廢縣北十餘里即廣武

山支隴相傳為周武王濟河處宋元豐中范子淵等議導洛通汴屢請于武濟山麓修堤置埽

教

山

在滎澤縣西北河陰廢縣境內尚書序仲丁遭

竄史記作傲詩小雅搏獸于教左傳宣公十二

年晉師在教鄆之間史記漢三年漢王軍滎陽築甬道屬之河以取教倉粟孟康曰教地名在滎陽西北山上臨河有太倉水經注濟水東逕教山北其山上有城即仲丁所遷秦置倉其中故曰教倉蕭得言括地志教倉在滎澤縣西北十五里石門之東北臨汴水南帶三皇山河陰縣志教山沿河

入境約二里許峯巒特起兩岸壁立中僅容輪蹄蓋懷河之門戶也

金龜山

在汜水縣東郊

外磴道數百級懸崖深洞杳不可測其上有仙井山之東澗下有王母洞

伏蛟山

在汜水縣

西迤北汜水中北塞王門南對睡虎砥柱汜流岡脊穹然如龜唐書地里志汜水縣西一里有伏龜

山即此

翠屏山

在汜水縣南汜水外西連睡虎山南按金谷堆層巒疊嶂連絡如屏

案

山

在汜水縣治南峭壁面城狀如几案

太和山

在汜水縣北城堞繞其麓高幾百尋

方

山

在汜水縣南四十里山海經浮戲之山汜水出焉水經注浮戲山世謂之方山元和志方山在

汜水縣東南三十二里縣志山周四數百里嶙峋萬仞勢出天表自山麓循溪而入其西有馬跑泉

東為龍窩豹窩南曰漢家泉乃光武遺蹟也又西為抱累峯峯半有仙人洞又南則羣峰拱向中為

環翠峪下有神母祠祠下有泉名栢池北為紫王
巖一名王仙山上有玉仙元君祠祠前有二泉一
為小龍池一為黃龍池即汜水源也是山東南屬
密西南屬登封東北屬滎陽西北屬鞏中有五至
嶺以兼五邑之勝故名又禹州西六十
里亦有方山其西有虎踞嶺羊背嶺

五雲山

汜在

水縣東南四十二里亦名塔山與三峯蘭若東西
相對山頂有野狐泉其南巖有白猿洞又東六里

為三印山

在汜水縣治西南北拱太和東對案山
勢如鼎峙又卧龍山在縣治東縣城跨

其上形如龍眠又有睡虎山在縣西汜水外舊
志相傳袁曹築壘其上以敵呂布俗呼張飛城

若山

在汜水縣西南三十里俗名佛兒山

大伾山

在汜水縣西北一
里有大澗九曲又

名九曲山上有成皋舊城山之東盡於玉門山為
汜水入河處西去洛口裁四十里按禹貢大伾

漢書音義以為黎陽縣山在今衛輝府濬縣水經以為在成皋非是

金牛山

在禹州東二十

五里濺溝水出其下又

石崖山

在禹州西四十里臨河壁立其相近

有介子山鄧宏山其

夾龍山

在禹州西四十里山下有張八河

三

磴山

在禹州西五十里山高低若三磴上下俱有龍潭又有風洞又西為接御山

神后

山

在禹州西六十里一名大鎬山南有高崖

玲瓏山

在禹州西六十里一名軻山湧泉水

出于此山石多

呂梁山

在禹州南三十五里塘口河出其下

六盤山

在禹州北十里有泉又

杏山

在禹州北二十里寰宇記洛陽記云

仙人劉根

大騄山

在禹州北亦曰具茨山國語史伯謂鄭桓公曰主桀騄而食溱

消注榮驪山名即大驪也山海經大驪之山其陰多鐵美玉青瑩有草焉其狀如蒼而毛青華而白實其名曰蕨服者不夭莊子黃帝將見大驪於具茨之山漢地理志密縣有大驪山水經注大驪即具茨山也黃帝登具茨之山升于洪隄上受神芝圖于黃蓋童子即是山也元和志在密縣東南五十里亦謂之大驪山開封府舊志大驪山在禹州北四十里接密縣東界新鄭縣西南界有軒轅避暑洞其巔有風谷明統志

牧牛山

在禹州東北四十里山下有九

十六泉即漆水之源又有馬鞍山黃山俱在州東北

紫金山

在禹州東北十五里下有小

紅河東流注潁水

孝山

在禹州東北五十里舊志山下有黃香墓故名

三封山

在禹

州西南二十里上有三峯亦名三峯山水經注潁水故潁東南逕三峯山北金史地理志陽翟有三

封山州志山半崖有燕王洞最深遂山下復有九

山

在禹州西南二十五里魏書地形志陽翟有九

昔密有十城者身遊九山之上放心不羈之境即

此山也又故潁川城水側有九山祠碑叢柏猶茂

北枕山流又五里有崑崙

荆山

在禹州西北五十

山又三十里有牛頭山

山出王齊武帝于此採

大龜山

在禹州西北五十

地形成志榮陽郡密有大龜山疑即此又十

二里有大龍山半崖有泉湧出俗名海眼

崆峒山

在禹州西北五十里接密縣界一名大仙山懸崖

絕壁石澗瀑布淙淙有聲山巔有石洞人莫敢登

鐵母山

在禹州西北六十里相

石梯山

在禹州西

近有鑛山舊俱產鐵

里山甚高峻有石磴層累而上相近諸侯山在禹州西

北四十里山出馬嶺山在密縣南水經注洧水出山下亦言出潁川陽城山

青石可為碑山在陽城縣之東北蓋馬嶺之統青屏山在密縣北八里

又五里為石樓山雲璣山在密縣北二十里一名侵雲山山下有交花泉

承雲山在密縣東北十八里山有石穴雲從此起故名魏書地形志密有承雲山開陽

山在密縣西北二十里魏書地形志密有開陽山通志開陽山冬時雪降即消又五里為龍巖山

橫山在密縣西北三十里有大小二山東西對峙有香鑪山亦在縣西北三十里蘭巖

山在密縣西北五十里接汜水縣界一名香峪自山峭拔千丈中有聖水峪賈魯河西源出焉

然山

在新鄭縣西一名太山黃水發源于此

抱犢山

在新鄭縣北二十里一名捕章

山水經注捕章山水出東捕

陘山

在新鄭縣西南亦作邢山與大

章山又黃溝水出捕章山

騶山並峙接長葛縣西界爾雅疏山形連延中忽

斷絕者名陘左傳隱公十一年王與鄭人蘇忿生

之田陘又僖公四年齊侯伐楚師進次于陘戰國

策蘇秦說楚威王曰楚地北有分陘之塞有說韓

王曰韓南有陘山史記魏襄王六年伐楚敗之陘

山後漢書郡國志密有陘山是水經注潁水東

逕陘山北括地志陘山在鄭州新鄭縣西三十里

通鑑地理通釋汾陘之塞其說有三山海經有少

陘之山太平御覽謂在滎陽則正義新鄭近之滎

陽春秋為鄭戰國為韓蓋南北之隘道楚為塞以

禦北方故于韓曰南有陘山於楚曰北有陘塞其

地一也縣志自陘山西南達于襄鄧岸山綿亘故

以陘山為橫嶺在滎陽縣南二十里以其橫南北之塞在羣山之中故名下有渠清水

嶺在滎陽縣東分水嶺在汜水縣東南五雲三峯之間嶺有二泉南流為桃

花河北流為竹葉河孤柏嶺在汜水縣東北二十里一峯北出砥柱河流其上有古柏一株

因名宋祥符四年白放發運判官史榮請于古柏嶺下緣南岸山趾開汴口以均水勢即此白

石岡在祥符縣東二十五里為萬龍岡亦名望龍岡葛家岡在祥符縣西宋嘉祐三年大水入京城有司請自

祥符西葛家岡開新河又藥局岡在縣西二十里

宋時設藥局於此又西十里為鳳城岡在祥符縣狼城岡明萬厯末河決于此南十里河

南通志世傳金章宗時有鳳凰集于此鷄村岡在祥符縣南五十里相傳宋養鷹鷄處

赤蒼岡

在祥符縣東南四十里一名關頭岡

赤岡

在祥符縣東北二十里水經注

渠水東南逕赤城北即赤岡也唐光祿三年秦宗權寇汴州其黨分屯赤岡五代石晉末遼主至汴

駐馬槐疙疸岡在祥符縣西南十三里元延祐五赤岡槐疙疸岡年修河堤北至槐疙疸岡明萬曆

二十九年河決望牛岡在祥符縣西南十三里孟於此斷堤成潭望牛岡元老東京夢華錄都人轉

龍灣探春西駝年岡在祥符縣西北十五里宋牧去望牛岡養之所靖康元年金幹里布

軍抵汴據駝年岡天駟監河決後久黑岡在祥符為平陸矣幹里布舊作幹離不今改黑岡縣西北

二十五里其土黑色下有池多魚今濶韓岡在陳亦名濶魚岡明崇禎九年河決于此

東二十五里東至杞縣韋政岡在陳留縣西十二里為往來孔道里臨黃河故道每

遇河決平地水深數尺惟此不沒

土山岡

在陳留縣東北二十里

東北四十里鳳形岡

在通許縣北一里許又有山龍岡李大岡皆在縣北十里盧氏岡在

縣北二十里皆故河流所經

鸞鷟岡

在通許縣東南四十里相傳有鳳集此故名又吳召

岡在縣西錦被岡

在尉氏縣東十五里以形似名下有古黃河渡又錦屏岡在縣

南五里東西亘五里望之如屏上有塚類筆架亦名筆架山人青龍岡在縣東南二十五里蜿蜒如

龍營盤岡在縣西南二十五里

三亭岡

寰宇記在尉氏縣西南三十七里史記秦昭王使謁

者王稽于魏夜與范雎言先生侍我於三亭之南即此

東里岡

在洧川縣東十五里朱曲

鎮東高二十餘仞南北長五六里為邑東鎮其中斷處對峙如門

鴻臺岡

在洧川縣西半

里高十餘里南北長十餘里首踞涪城為邑之巨鎮上有鴻臺二各高數丈戰國策張儀說韓王曰

鴻臺之宮非

延秀岡

在涪川南十里西起長葛東至故縣南屈而南行至許田

大王有即此

鎮北復屈而東逕鄢陵縣治北東逾扶溝上下數百里蜿蜒如游龍又卓岡在縣西南十里近許州

治長葛

赤坂岡

在涪川縣東南二十里高十餘仞蟠踞二三里土色如赭又塔兒岡

縣境

在縣東南二十里上有浮屠

馬陵岡

在涪川縣西北三十里高十餘仞南北長五十餘里

接中牟新鄭二縣界又有三亭岡在縣西北二十里高十餘仞延袤數里又柏岡在縣北十里峻坂

孤峙高

彪岡

在鄢陵縣東北以形似名又縣有樂陵岡南有孝子岡曲岡河岡野岡三

十餘仞

岡西北有党家岡文家岡北有彭祖岡楊村岡聯絡聳峙逕皆環拱縣治

白茂岡

在蘭

陽縣東北二十里又梓岡在縣南十里

青陵岡

在儀封縣北十五里

黃陵岡

在儀

封縣東北五十里與考城及山東曹縣接界為黃河要害

猴岡

在鄭州西十里相傳舊多栗樹

猴巢穴其中宋太祖令民間採用其山遂童

馬頭岡

在鄭州北二十里元李河決滎陽此

為北馬頭岸 **檀山岡**

在滎陽縣東十里山多檀木綿亘三十餘里水經注索水經檀山岡

東即此一 **伯牛岡**

在汜水縣東北三十里有冉伯牛廟

琅城岡

在禹州東

三十里州志自東北馬家岡起高二十餘丈延袤五十餘里環抱州城岡上舊有城址故名又州城

東四里為望城岡 **福勝岡**

在禹州南三十里一名其東南為虎頭岡三進岡延袤二十餘里

七女岡

在禹州東北三十里相近為狼馬岡寰宇記陽翟縣七女岡下有七女泉流至長葛

入消

臺子岡

在密縣東三十里又縣南十里為石羊岡

桃陵

在杞縣東南十里唐

至德初張巡守雍邱擊賊衆于白沙渦還至桃陵遇賊救兵悉擒之即此又縣東南三十五里曰青

陵西南五十里曰翟陵又十里曰石陵又縣東北二十里曰武陵皆土阜也俗亦謂之五陵園稱陳

留風俗傳雍邱有五陵之名

函陵

在新鄭縣北十三里左傳僖公三十年晉侯秦伯圍鄭晉

軍函陵寢宇記

蓼子峪

在汜水縣西十二里即成皋關口南迫峭壁北

逼大河以界鞏洛極為陡險

牛口峪

在汜水縣西北二十五里唐武德四年竇建德軍至

成皋軍中謠曰豆入牛口勢不能久及戰大敗建德竄於牛口為泰王所擒

石棚

在滎陽縣

南大周山北有石平坦如盤其下空洞如屋可容百餘人故名明崇禎間石裂為二半傾于地石

嘴

在沁水縣東南十里古名石砥山沁東兩岸皆土阜惟此連山大石趾盤水中上有玉仙祠祠

左有泉匯為深潭

滑濟坡

在禹州西十二里坡平廣為大道所經又灰坡在州西七十二

里產陰坂

在新鄭縣西左傳襄公九年晉人以諸侯伐鄭濟于陰坂次于陰口而還注陰

坂洧津水經注洧水又東逕陰坂北水有梁焉俗謂是濟為參辰口

天仙洞

在密縣東五里

元許有壬記畧四山平旋高嶂復攤于外中多奇石瑩如玉世傳漢有女仙化葬焉

雲巖洞

在密縣東四十里一山突起四水環之高下巖洞十餘惟雲巖為深廣岩石皆玲瓏斑駁

雲羊

洞

在密縣南二十三里深窅莫測

織錦洞

在密縣西北五十里中有井水常溢出洞中仰

觀有孔如梭因以織錦名

黃河

自河南府鞏縣流入經沁水縣北與懷慶府溫縣分界又東經

滎澤縣北又東經鄭州北與懷慶府原武縣分界
又東南流經中牟縣北陽武縣南又東經祥符縣
北又東經封丘縣南又東經陳留縣北又東經蘭
陽儀封二縣北入歸德府考城縣界自宋以前由
滎澤又東北經原武陽武延津胙城之北新鄉汲
縣之南去府治遠水經注河自洛口又東逕懷縣
南與成華分水又逕黃馬坂北又東逕旋門坂北
東經成華大伍山下濟水注之河水南對玉門又
東合汜水又東逕板城北又東逕五龍塢北又東
過滎陽縣蕩蕩渠出焉此滎澤以上之故道也又
云濟水與河合流自廣武東逕敖山北又東逕滎
陽縣北又東南礫石溪水注之又東索水注之又
東逕滎澤北濟水自是分爲南北濟南濟又東南
逕釐城東又合黃水又東入陽武縣北滎澤以上
濟水合河之故道亦即鴻溝汴水蕩蕩渠經流之
處也又云河水又東北逕卷之扈亭北又東逕八

激堤之北又東逕卷縣北又東北過武德縣東沁水從之又東至酸棗縣此原武以下之故道也宋時漸徙而南金明昌五年河決陽武故堤灌封邱而東徙始經蘭陽縣境于是汲冢之流塞河益東下元至元中河徙陽武南始全經府境奪渦入淮而新鄉之流亦塞泰定元年河從汴渠至徐城東北入泗入淮即今通行之河也至正中以河屢決命賈魯治之自黃陵岡達白茅明洪武二十四年河決原武之黑洋山東經府城北五里南至項城經潁壽入淮永樂九年命尚書宋禮濬祥符魚王口至中潞二十餘里正統十三年河決滎陽東經府城西南又東南經陳留入渦口達淮是時中年開封遂在河北景泰初始復故宏治二年河決原武從汴城東北過沁水溢流為二一自于家店經蘭陽徙縣南三里東至歸德由徐邳入淮一自封邱縣之荊隆口漫祥符潰儀封之黃陵岡東經曹

濮入張秋命尚書白昂治之四年河決蘭陽復北徙經城北十里五年復決荊隆口副都御史劉大夏濬祥符四府營淤河及滎陽孫家渡口賈魯舊河以殺其勢正德五年復自儀封北徙衝黃陵岡入賈魯河嘉靖七年開蘭陽北趙皮寨口達寧陵至亳州過河十三年河決流徙趙皮寨口復塞十九年開蘭陽李景高堰支河引河至徐州入淮已而復淤萬厯十五年漚洛沁水泛漲決劉獸醫口銅瓦廂荊隆口南濫府城堤十七年河決蘭陽李景高口四十四年河決開封由護城隄下經陳留等處入亳州渦河是冬決口淤河復政道天啓元年河決陽武脾沙岡三年開蘭陽曹良口東至儀封縣界崇禎十五年李自成圍開封城中不能支決城西北十七里朱家寨引水灌賊水溢城壞百萬衆為魚賴毫以東皆受其患本朝順治元年河自復故道七年河決封邱築荊隆口堤九年河

聖

祖南

後

決封邱大王廟口從長垣趙東昌北入海十一年
決口塞十四年河決祥符之槐疣疸岡是年黃河
南徙陳留孟家埠口潰決知縣張重潤濬河一道
引河北入新河又後儀封三家庄河以殺北來水
勢十五年河復決陽武縣城南築慕家樓河隄康
熙元年開封黃練口河決屢加堵築二十三年以

巡指授治河方畧淮徐入海之道通流迅駛開封

一帶隄防甚固間有漲溢不甚為害四十四年築
祥符陳留蘭陽大隄六十年於儀封白家樓北
岸挑引河雍正元年總河齊蘇勒奏築榮澤以下
陳留以上兩岸子隄隔隄以求分流

皇上御極以來

念河防為民生攸繫宵旰勤勞疇咨尤切自十五年

聖駕巡幸豫省

親閱河南河道十六年以後

欽定四庫全書

欽定大清一統志

高

巡幸江浙屢

閱淮徐一帶工程經營籌度

指示機宜一切疏濬隄防之道所以為生民計久遠者慮至周

恩至渥以是淮徐以下河流順軌而河南居河道上游

亦咸隄防堅固安土蒙庥茲就河工之在開封府

者摠至梗概其他各府工程依次分載敬查乾隆

元年挑濬鄭州一帶河道自大凌庄至中年合河

口復為建築隄堰又自懷慶府孟津而下南北兩

岸大隄增高培厚并填實鄭州南土壩夾塘加築

祥符蘭陽儀封三縣月隄尾隄以為重障四年又

以鄭州之黃岡廟當黃河之衝加修大隄又創築

月隄建設壩臺五年開蘭陽縣朱家庄引河六年

修北岸鄭州中年交界大隄又開中年九堡引河

七年開南岸來童寨對岸引河又加修儀封縣楊

家橋大隄南面增設壩臺八年封邱荊隆口全河

水勢自正南趨注西北大溜搜刷挑引河以順河溜九年挑儀封北岸引河分順水勢保護楊家橋埽工又以蘭陽北岸耿家寨河身坐灣大溜冲激下埽保護加修月隄十年以祥符南岸十三堡臨河埽壩坐當大溜挑引河分洩東趨十三年修儀封北岸二十三堡大隄北面搶幫南面河身坐灣處東西各建挑水壩又以祥符十九堡河身北趨大溜側注南面建築壩臺十四年中年縣九堡河流坐灣挑出河心過溜南趨建設木龍開挑大溜十六年以蘭陽耿家河道全行北注造六楞障排木障當溜護埽下柳篩挑溜開行上游下三楞障以防旁溜是年陽武漫溢

上特

命大臣相度堵築不日工成十七年搶護陽武十三堡隄工十八年蒙澤魏家庄河道大溜南趨移中年九堡木龍以禦又祥符北岸馬坊村河道上游南岸坐灣挑溜北注搶築埽工夾壩又祥符平

家寨河溜北趨搶築順隄歸灞十九年祥符陳橋等處河勢北趨加修堤工并于古城前建築支河土壩二十六年祥符黑岡口等處河溢楊橋漫水奪溜

上特遣大臣

指授方畧于楊橋上游對岸開挑引河河唇建設大壩

以洩水勢掣挽大溜堵築漫口二百七十七丈旋即竣工又於萊澤陽武祥符二十一堡時和驛二堡三堡焦橋五堡灣庄九堡蘭陽頭堡二堡等處漫俱圍築月隄四十三年儀封口決

特命

大臣董率堵築尋議于儀封七堡築順黃壩又于

王家庄展開引河以掣溜勢又接作挑水壩逼溜北趨黃水始掣入引河復歸故道至四十五年金門合龍四十六年因青龍岡口屢築屢圯

特命

大臣于上游南岸履勘地勢為改弦更張之意尋議于青龍岡迤上自蘭陽三堡至商邱七堡一帶

南隄外添築大隄開挑引渠長一百六十餘里導河水入渠下注商邱歸入正河故道入海四十八年三月大功告成開放新河掣溜南下暢流入海一切善後隄防事宜

申命

次第籌辦自是每年隨時防護而河流永慶安瀾矣按舊志引鄴輔治河書云開封南岸從汴達

淮與運道無異惟北岸一有潰決則延津長垣東明曹州胥受其害近則注張秋由鹽河入海遠則直趨東昌德州赴漢渤而濟寧上下無運道矣開封地皆浮沙一經潰決瞬息數百丈工大而下埽難故河決之害北岸為大而北岸之害莫大于開封通志杞縣有蒲口通許縣有三龍口清水口封邱縣有荊隆口大王廟口蘭陽有曹良耿金諸口皆昔時黃河潰決處又有大王寺河一名埽頭河在祥符縣東北三十里亦河之分流也汴河故道自懷慶府原武縣流入東南流經中牟縣

北入東南流經府城內又東逕陳留縣北又東至杞縣北入歸德府界即古蕨蕩渠也漢書地理志滎陽縣卞水在西南又有蕨蕩渠首受沛東南至陳入潁後漢書明帝紀永平十二年遣將作謁者王吳修汴渠自滎陽至于千乘海口水經注陰溝水出河南陽武縣蕨蕩渠首受于大河卷縣故瀆故瀆東分為二世謂之陰溝水俱東絕濟東北會左瀆又東合右瀆又東南逕封邱縣絕濟瀆東南至大梁合蕨蕩渠梁溝既開蕨蕩渠故瀆實兼陰溝浚儀之稱逕大梁城北左屈溝與渠合俱東南流同受鴻溝沙水之目其川流之會左瀆東道者即汧水也汧水出陰溝于浚儀縣北即蕨蕩渠也亦言汧受潁然水而東自王賁灌大梁水出縣南而不逕其北夏水洪泛則是瀆津通故渠即陰溝也隋書煬帝記大業元年開通濟渠自西苑引穀洛水達于河自板渚引河達于淮通典通濟渠即

浪溶渠也宋史河渠志汴河自隋疏為永濟渠唐改名廣濟宋都大梁以孟河河陰縣為汴首以受黃河之口屬于淮泗歲漕江淮湖浙米數百萬以輸京師內外仰給焉故于諸水莫此為重至道元年問侍臣汴水疏鑿之由張洎曰禹于滎澤下分大河為陰溝引注東南以通淮泗至大梁浚儀縣西北復分為二渠一渠元經陽武縣中牟臺下為官渡水一渠始皇疏鑿以灌魏都謂之鴻溝荥渠自滎陽五出池口來注之其鴻溝即出河之溝亦曰荥渠漢明帝時始作浚儀渠靈帝建寧四年於敖城西北壘石為門以遏渠口故世謂之石門渠外東合濟水濟與河渠渾濤東注至敖山北渠水至此又兼邙之水邙又音反即汴字古人避反字改從汴字渠水又東經滎陽北旃然水自縣東流入汴水滎陽西有二廣武城汴水自兩城門小澗中東流而出而濟流自茲乃絕惟汴渠首受

旃然水謂之鴻渠晉太和中桓溫北伐將通之不
果劉裕西征復浚此渠而漕運焉隋煬帝詔皇甫
誼開為永濟渠自後利于轉輸元豐元年内供奉
宋用臣自任沙村谷口至汴口開河五十里因伊
洛水入汴河以通漕運改名清汴金史地理志開
封府開封陽武中年陳留有汴河府志元至元二
十七年黃河決汴始淤塞舊府治南有汴渠故蹟
即其地也按汴河源出滎陽為狼荊渠東流曰
官渡水曰陰溝曰汧水曰俊儀渠其自大梁城南
分流者為鴻溝鴻溝南流兼沙水之目沙水支津
又為睢水渦水名雖不一實則委別而同源也今
大河所經即古汴水故道宋時又導汴入蔡以通
陳潁之漕則在汴渠之南別為蔡河即古蔡河
鴻溝及沙水故道舊志混汴蔡為一非是蔡河上
即汴河自中年縣流經祥符縣南分流又東南流
逕通許縣北又東南逕尉氏縣東入陳州府扶溝

縣界即古鴻溝亦名河溝又名沙水史記河渠書
禹治水之後滎陽下引河東南為鴻溝以通宋鄭
陳蔡曹衛與濟汝淮泗會于楚又蘇秦說魏王曰
大王之地南有鴻溝秦始皇二十二年王賁攻魏
引河溝灌大梁水經注渠水自中牟注大梁逕西
赤城北左則故瀆出焉秦王賁斷故渠引水東南
出以灌大梁謂之梁溝又東逕大梁城南分為二
水續述征記曰汴沙到浚儀而分汴東注沙南流
其水更南流逕梁王吹臺東有陰溝鴻溝之稱焉
項羽與漢高分王指是水以為東西之別渠水右
與汜水合又東南逕開封縣睢渙二水出焉渠即
沙水也音蔡許慎正作沙音沙水又東南逕牛首
鄉東南魯渠水出焉又南逕斗城西又東南逕牛
首亭東又東南八里溝水出焉又東南逕陳留縣
襄氏亭西又逕滄臺子羽冢東與八里溝合又南
逕扶溝故城東魏書地形志汴水在大梁城東分

為蔡渠通鑑周顯德六年自大梁城東導汴水入
於蔡以通陳潁之漕三朝會典惠民河與蔡河一
水建隆元年導閔河自新鄭興蔡水合貫京師南
歷陳潁達壽春以通淮右于是以西南為潁河東
南為蔡河至開寶六年始開閔河為惠民河宋史
河渠志蔡河貫京師兼閔水洧水濕水以通每閔
水自尉氏歷祥符開封合于蔡是為惠民河洧水
自許田注鄆陵東南歷扶溝合于蔡潁水出鄭之
大隄山注臨潁歷鄆陵扶溝合于蔡凡許蔡諸水
令堅白雁丈八溝京索令西河褚河湖河雙河灤
霸河皆會焉金史地理志祥符有蔡河尉氏有惠
民河舊志元至元二十七年黃河決祥符義塘灣
蔡水上源埤明洪武八年大河南決挾潁入淮蔡
河之下流亦絕又蔡河舊自祥符縣流入通許縣
北分為二道名雙溝河下至縣西復合為一下入
扶溝明初混入黃河今縣西北七十里有西水窩

其東二里有東水窩縣北有七里灣皆蔡河瀦流之處也

五丈河

在祥符縣北由府城北流

入陳留縣界五代史周顯德四年詔疏汴水北入五丈河由是齊魯舟楫皆達于大梁王存九域志五丈河即禹貢之荷澤從都北歷陳留及鄆其廣五丈舊名五丈河開甯六年詔改名廣濟河宋史河渠志廣濟河導荷水自開封歷陳留曹濟鄆建隆二年遣使浚之先是五丈河泥淤不利行舟遂詔陳承昭于京城之西夾汴水造斗門引京索蔡河水通城壕入斗門俾架流汴水之上東進于五丈河以便東北漕運公私咸利按宋會要汴都以惠民金水五丈汴為四渠而汴黃惠民廣濟亦曰四河時汴河自城西大通水門入分流出城東上善通津二水門惠民河自城南廣利水門入出普濟水門五丈河自城北永順水門入出城東咸通水門而金水河復貫注于皇城內河流環繞舟

輯畢通自元明以來累經黃河泛溢河渠遂多淤塞又有六大河在城北五里宋時所開今亦堙

白溝河

在祥符縣北今堙唐書地理志開封有湛渠載初元年引汴注白溝以通漕充賦稅

宋史河渠志白溝無山源每歲水潦甚則通流纔勝百斛船踰月不雨即竭至道二年博士邢用之

請開白溝自京師抵彭城呂梁口凡六百里以通長淮之漕詔發諸州丁夫治之尋罷其役延平六

年用之又自襄邑下流治白溝河導京師積水而民田無害熙寧六年都水監丞侯叔獻請儲三十

六陂及京索二水為源置牌則四時可行舟從之七年廢政和二年都水丞孟昌齡言開濬舍暉門

外白溝河開堰乾河在祥符縣南門外自城濠起放水仍舊流通至高家樓入惠濟河乾隆二

十二年

上命大臣相度水道大加挑濬深通無阻入禹壽觀東

溝浚儀封俱在城內宣洩積水入乾河陳家墳溝
自陳家墳起至紅沙灣庄入乾河俱於二十二年

挑柳楊河在杞縣北雖水支流也自十八郎廟由
儀陽壩南東逕丹賢岡入歸德府睢州

界俗名挑河歲久淤塞雍正六年曾
經疏通乾隆二十二年復加挑濬
過河汴河支流也水

經注陰溝始亂蕩蕩終別於沙而過水出焉俗作
渴今由通許杞縣及陳州府之太康懷寧歸德府

之鹿邑入江南境下達於淮乾隆二十二年
年修濬河南河道大加挑濬以資宣洩
萬彩河

在杞縣北上自通許入境下入陳州等
府太康縣境乾隆二十二年挑濬深通
青岡河在

許縣東南自大青岡起下入杞縣萬彩河乾隆二
十二年挑濬又栢子岡溝劉彥庄溝楚家庄溝小

清河溝仲家庄溝陳家庄溝宋七岡溝
羅家庄溝茶茅岡溝俱由涵洞入河
賈魯河出

蒙陽縣東南東北流至蒙澤縣西南合索東經蒙
澤縣南又東逕鄭州北又東逕中牟縣南又東南
經祥符縣之朱仙鎮西又西南逕尉氏縣東入扶
溝縣界自鄭州以上為京水自中年至祥符名金
水洞宋建隆初始開後淤元賈魯治之今自鄭州
以下通名賈魯河水經注黃水發源京縣黃堆山
東南流名祝龍泉泉勢沸湧狀若巨鼎湯湯西南
流謂之龍項口世謂之京水也又屈而北注逕高
陽亭東又北至故市縣又東北逕故市縣故城南
谿又東北至蒙澤南分為二水一水北入蒙澤一
水東北流即黃雀溝又東北與清水支津合二水
之會為黃泉北流注於濟水宋史河渠志金水河
一名天源本京水導自蒙陽黃堆山其源曰祝龍
泉宋建隆三年命陳承昭鑿渠引水過中年名曰
金水河凡百餘里抵都城架其水橫絕於汴設斗
門入浚溝通城濠東匯于五丈河公私利焉乾德

三年又引灌皇城大中祥符三年復引東由城下水竇入于濠元豐五年金水河由副隄入于蔡以源流深遠與永安青龍河相合故賜名天源鄭州志賈魯河有三源西二源出滎陽界東源出梅花山北麓合流於張家村下流至京水鎮為京水河又北受須索二水為雙橋河元季因漕運不便令賈魯疏治起鄭州下至朱仙鎮皆名賈魯河中年縣志有小清河在縣北五里即古金水河從縣東北環繞二十里達祥符縣界又有灘頭河亦在縣北自滎澤縣流入東南流入尉氏縣界本朝乾隆二年修築賈魯河隄堰自高家橋東至新河口加修民堰建築園隄二十二年復修濬寬深以達沙河西岸加隄以防旁溢又河道之在中年縣者原在城北二十六年黃水漫溢地勢趨高改趨中年縣城南冲刷成河二十七年修隄堰二道令並堅固按元賈魯所開河在儀封縣黃陵岡南故

道堙沒今所云賈魯河蓋即宋時蔡河故道府志云沙河一名賈魯河又名小黃河受京須索鄭諸水經朱仙鎮呂家潭至扶溝者是也其是中年橫貫開封城內者為金水河至元豐時由副隄入蔡而橫貫之道漸微迄今遂無遺跡矣舊志名曰錯列水道幾不可辨今據輿圖考訂通為一條索

河

源出滎陽縣南北流經縣東屈而東經河陰縣南又東合京水東經滎澤縣南匯于賈魯河左傳襄公十八年楚伐鄭右師入潁次于旃然杜預注旃然水出滎陽成臯縣東入汴水經注索水出京縣西南嵩渚山與東關分水即古旃然水也東北流器難之水注之亂流北逕小索亭西又為索水索水又北逕大柵城東又屈而西流與梧桐澗水合又北屈東逕大索城南又東逕號亭南又東北流須水右入焉又東逕滎陽故城南境又東逕周苛家北又東流北屈西轉北經滎陽城東北流

注濟寰宇記索水在滎陽縣三十五里五代唐同
光二年詔蔡州刺史朱勅濬索水以通漕宋建隆
二年導索水自旃然與須水合入于汴其後復導
入金水河元至正十一年命賈魯治河引京索水
通陳潁達江淮通名賈魯河鄭州志賈魯河西源
出于方山聖水谷東源出方山暖泉二水合流曰
合河口即須河在滎陽縣東四十里鄭州西二十
索水也里源出縣南萬石山東北流合京
索二水入賈魯河水經注須水近出京城東北二
里榆子溝亦曰柰榆溝或謂之小索水東北流木
蓼溝水注之又東北流于滎陽城西南東注索元
一統志須水發源滎陽在縣東南三十五里流經
須水鎮之西舊志明正德八賈峪河在滎陽縣東
年嘗濬此以分決河之流南五十里源
出縣南賈峪山南北流入賈魯河又五通河
源出縣西南土溝東北流經縣入索水河鄭河

在鄭州東二十五里源出梅山東北流至中牟縣入賈魯河溉田甚廣水經注卞家溝出京縣東南梅山北溪其水自谿東北流逕管城西俗又謂之管水東北分為二水一水東北流注黃崔溝謂之黃淵淵周一百步其一水東越長城東北流水積為淵南北二里東西百步謂之百尺水北入圃田澤分為二水一水東北逕東武強城北又東北流左注于渠為汴家水口也一水東流又屈而南轉東南注白溝也隋書地理志管城有鄭水窠宇記鄭水一名汴家水金史地理志中年縣有鄭河

金水河

一名泥河在鄭州西一里許鄭水之西派也源出梅山北黃龍池以其來自金方故

名舊渠自回回墓東北遠舊城與祭城水合總名鄭河後知州趙鼎陳請自西關改入城濠遂棄舊渠今河道由菜園王庄西關北

東京河

在鄭州西關至僕射陂杞祿陂入賈魯河

南二十五

里源出梅山東
北流入賈魯河
惠濟河
即汲水也自中年縣西十

里舖出賈魯河逕祥符陳
留祀入歸德府睢州石城至江南亳州下達於淮
乾隆六年

上命查勘河道開濬兩岸
賜名惠濟二十二年復挑濬深通永資利賴
按河道

舊在中年縣十五里堡二十六年因黃水漫溢淤
成平陸二十七年於西十里舖改建滾水壩二十

九年因壩底高出水面河身淤塞
不能分洩賈魯河之水改建石閘
小清河
在中年

五十里源出新鄭縣佛潭東北流至縣西入丈八
溝即古清池水亦名清口水後漢書郡國志中年

有清口水水經注清池水出清陽亭西南平地東
北流逕清陽亭南又屈而北流至清口澤七虎澗

水注之又東北白溝水注之亂流逕
魯恭祠南又北注渠謂之清溝口
海子河
在中年縣

城內上有海子橋橋南北各有河舊有南北二水
河欄以鐵窗引水于城濠歸小清河明成化間黃
河水溢灌入城內故道遂淤尋開漁津以洩水歲
久漸堙萬歷中自海子河以下瀆為支河者凡五
十七道為溝者凡一百三十九道後俱塞
洧河 自河南府登封縣流入
縣北又東南經許州長葛縣北又東入洧川縣西
南受大洧水為雙洎河東南流經尉氏縣南鄢陵
縣北東入陳州府扶溝縣界左傳襄公元年晉代
鄭人其郛敗其徒兵于洧上昭公十九年鄭大水
龍闕于時門之外洧淵戰國策蘇秦說韓王曰東
有宛穰洧水漢書地理志洧水東南至長平入潁
水水經洧水出河南密縣西南馬嶺山又東南過
其縣南又東過鄭縣南又東南過長社縣北注洧
水東流經水會焉又東襄河水注之又東會潁
泉泉又東流南與承雲二水合又東微水注之又

東逕密縣故城南又左會環泉水又東南與馬關水合又東合武定水又東與虎牘山水合又東南赤澗水注之又東南流澗水注之又東南經鄆城南又東逕陰坂北又東逕新鄭故城中又東為洧澗水今洧水自鄭城西北入而東南流逕鄭城南又東與黃水合又東南流南濮北濮二水入焉又東南與龍澗水合又東南分為二水其枝水東南流注沙一水東逕許昌縣又東入汶倉城內又東經鄆陵縣故城南又東鄆陵陂水注之括地志洧水出鄭州新城縣北三里古新鄭縣南與溱水合元和志洧水出新鄭縣西北二十里按洧水舊自許州流經鄆陵縣南其在洧川南者本洧水支流康溝水水經注云康溝水首受洧水于長社縣東北流逕向岡西後人遏其上口今水盛則北注水耗則輟流是也自宋人通惠民河引洧水自許田注鄆陵厓扶溝合蔡水始經洧川城南鄆陵縣

北明時謂之雙洎河舊志京水自長葛東北迤運
逕大隧山南秀延岡側至洧川故縣西南屈而東
南行逕許田店北入鄆陵縣界經縣北二十里明
弘治九年山水泛漲決洧川栗家口故道漸淤水
勢趨南橫潰旁溢嘉靖十年水決汪家陂去鄆陵
縣僅三里隆慶三年改鑿新河水患稍息萬厯四
十六年創開新河自鄆陵縣西莊頭由舊城西門
經彭祖店南歷晉家橋彪岡至丁家橋而止上流
之水悉歸支河又七里河在鄆陵
縣北七里明宏治中有水流經此
清源河 在縣西
五里源出大陵旁橐駝河在縣西北十里源出三
亭岡下清泉河在縣西北十五里亦名青龍泉源
出中年縣西南界鰲龍河在縣西十里俗名擡頭
河玉溪在縣西北九里源出陵谷中清源下五水
皆東南
洛河 在汜水縣西北舊自河南府鞏縣入
注大治
河宋元豐五年張從惠建議起鞏縣

沙谷至河陰縣穿渠五十二里引洛水入汴
以通漕謂之新谷口今東至滿家溝入河

汜河

在汜水縣西北傳成公四年晉伐鄭取汜祭杜預
注成皋縣東有汜水史記漢四年項羽大司馬曹
咎渡名汜水水經注汜水南出浮戲山北流車闕
水注之又北右合石城水又北合鄆水又北逕虎
牢城又北流注于河舊志汜水有二源俱出縣東
南方山一日小龍池北流為小里河一日黃龍池
出小龍池東既出復伏至神母泉湧出東流滙豹
窩馬跑二泉北出方山口會小里河又北受泥河
棘寨河諸水又北合竹川及耿家河又北經沙窩
折而西北達于城南受磴化川蓮花池水襟郭絡
隍名為錦陽川又西北抵伏蛟山下受

桃花河

在

柳泉水北出玉門合洛水東入大河
水縣東南源出分水嶺西南流經紫金山過克家
寨名克家河會徐家泉而西更名曰汜河入于汜

又棘寨河一名竹葉河源亦出分水嶺北流出方山口入于汜耿家河源出蘭若山東流入竹川合

太溪水入於汜黃渡河在儀封縣東北舊志縣有七河曰黃陵岡河在縣東北五十里一名

北舊黃河俗名黃渡河曰南舊黃河在縣西南三里曰賈魯河在黃陵岡南二里曰龐家口河在縣

北八里曰閹頭河在縣北五里曰巴河在縣南八里曰新河在黃河南新挑以分殺水勢者皆黃河

轉徙所經忽南忽北穿縣境殆遍今惟賈魯巴河故道堙沒閹頭龐家二河隄岸如故黃渡河源深

勢濶明初遂成滙澤周六十餘里又有三家庄河在縣東北五十里本朝順治十四年創浚由中

莊南出長一千丈以分殺北來水勢而黃渡河涸為田周家河在儀封縣南

陽儀封交界靈濤之水又縣東至溝宣洩十五里鋪一帶積水歸入歸德府考城縣又盤馬寺溝縣

南牛家庄溝宣洩牛家庄後陂水亦入歸德
府考城縣境俱於乾隆二十二年挑濬深通

潁河

自河南府登封縣流入偃禹州北又東流分為二
一東經新鄭縣南入許州界一東南流俗曰石梁

河經許州城西南東流復合潁水入
陳府西華縣界詳見河南府許州
潁河亦名褚

禹州西谷山谷中東南流經許州東又東經襄城
縣北又東經臨潁縣東南合潁河又東流入陳州

府西華縣界
按通志云褚河即潁河舊志又云
褚當作渚水之歧出者也今以輿圖考之石梁河

實潁水分流在潁之南而渚河別為一源又在石
梁河之南流至臨潁始受潁水與潁水判不相涉

舊志
忠義河
在禹州東二十五里源出大陵岡南
皆誤
流入潁又州西南三十里有塘口福

勝二河二十五里有南柳河西三
趙家河
源出禹
十里有焦村河下流俱入潁水
州西北

七十里磨窩山南谷水河發源禹州西五十里輞

八裏城界注潁水發源禹州佛耳山南流至紅暢匯西山諸

澗頭河水過塚頭入于汝按水經注藍水出陽

翟重嶺山南流入汝今塚頭河即藍水南有長橋一名藍橋此水其上流也又趙家河發源禹州牛

頭山至法融寺入澗頭河小紅河發源禹州紫金山白龍潭河

發源禹州傘蓋山流入許州長葛縣界又有煖泉河發源禹州寇家庄流入許州長葛縣界朝

陽河在密縣東南十里浚水在祥符縣北詩夏有寒泉在浚之下水經注梁

惠成王三十一年為大溝于北郭以行圓田之水陳留風俗傳曰縣北有浚水像而儀之故曰浚儀又坂水出陰溝于浚儀縣北坂故渠即陰溝也於大梁北又曰浚水矣陳留風俗傳曰浚水逕其北

者也寰宇記寒泉陂在浚儀縣西
古濟水故道自
六十里其水冬夏常冷故曰寒泉

懷慶府

溫縣流入經沁水縣北又東逕河陰縣北又東逕
榮澤縣北又東經陽武縣西皆與河合流自此分

南北二濟水經注南濟水逕陽武縣故城南又東
逕封邱縣南又東逕梁城北東南逕倉垣城又

東逕酸棗縣之鳥巢澤北又東逕大梁城之赤城
北水東過封邱縣北又東逕原武縣故城南又東

逕酸棗縣之鳥巢澤北又東逕大梁城之赤亭北
而東注舊志五丈河即南濟水故道也自此以上

久為黃河所混胡三省通鑑注云自漢築滎
陽石門而濟與河合流入海不復入滎瀆矣
睢水

故汴水分流也自陳留東至杞縣北又東入歸德
府睢州界漢書地理志浚儀睢水首受狼蕩渠水

東至取慮入泗過郡四行千三百六十里水經注
睢水出陳留縣西狼蕩渠東北流逕高陽故亭北

又東逕雍邱故城北又東逕襄邑縣故城北又東逕寧陵縣故城南襄寧祀睢水在陳留縣東南五

里其後開通濟渠而此渠廢本朝乾隆二十二年修濬河南河道大加挑濬迤流無阻古渙

水自陳留縣流經杞縣南又東入歸德府睢州界陳留記襄邑渙水出其南睢水經其北傳云睢

渙之間出文章故其黼黻絺繡日月華蟲以奉於宗廟御服焉古魯渠水在陳留縣西北

東南流經杞縣南又東南入陳州府太康縣界漢書地理志陳留縣魯渠水首受狼湯渠東至陽夏

入渦渠水經注沙水東南逕牛首鄉東南魯渠出焉亦謂之宋溝也又經陳留縣故城南又東南逕

圉縣故城北歷萬人散又歷魯承水在鄭州南山溝亭又東南至陽夏縣故城西承水出

太山之陰東北流注于役水水經注白溝水有二源北水出密之梅山東南而東逕靖城南與南水

合南水出太山西北流至靖城南左注北水即承
水也世謂之靖澗水又東北流太水注之又東北
入黃窺澗北逕中陽城西又東屈逕其城北東北
流為白溝又東北逕伯禽城北屈而南流東注于
清水元一統志有二十里河源出縣西南三十里
東流經縣南十八里河東又東北至縣東南七里
與十八里河合其十八里河源出縣西南三十里
東流經縣南十八里又東北與二十里河合蓋即
承水南北二流也舊志七里河在州東南七里有
三源一出梅山一出太山一出州南站馬屯至州
東南七里合流經水磨祭城太水在鄭州城南山
而入賈魯河今俗亦名磨河海經太水出于
太山之陽東南流入于汝水水經注太水出太山
東平地世謂之禮水東北逕武陵城西東北流注
於承
水 華水 在鄭州東水經注七虎澗水出華城南岡
一源兩派津川趣別西入黃涯溝東

為七虎谿亦謂之華水又東北流紫光溝水注之
又東逕裴城北又東北逕鹿臺南岡北出為七虎
澗東流期水注之謂之虎谿水亂流東注逕期城
北東會清口水元一統志有圃田店河一名樂巴
河源出新鄭縣東北五十里韓村金時于圃田店
修隄堰入金水河散為陂塘舊志有潮河在州東
三十里源出新鄭縣東北三十里樂巴廟前每日
三潮故名北流合賈魯河今輿圖作樂河自新鄭
縣流入鄭州至中牟
縣蔣家庄入賈魯河
古役水 在新鄭縣北流經中
水自宛陵東北流經焦城東又東北魯溝水出焉
又東北汜溝水出焉又東北經曹公壘南又東北
經中年澤又東
東汜水 在中年縣南東流入祥符
北流屈注渠
縣久埝水經注汜水上承
役于苑陵縣役水支津東派為汜水者也故世俗
謂之泥溝水左傳僖公三十年晉侯秦伯圍鄭晉

軍函陵秦軍記南
所謂東汜者也

筆溝水

寰宇記在尉氏縣東北
四十里與原溝合端直

如筆舊志有新河在縣北上承縣北雪水陂至縣
東南合康溝又大溝河在縣東南十五里上承縣

南諸陂東北
流入康溝

湍水

在鄆陵縣南自許州東南流入
又南入許州臨潁縣界水經注

湍水東逕許昌城南又東南與宣梁陂水合又西
南流逕陶城西又東南逕陶陂東寰宇記湍水在

鄆陵縣西南四十里縣志今有清流河在縣南五
十里即湍水之別名又有三道河在縣西南二十

里自許州東秋湖流入河本三义中
央支流並列三渠東南合清流河

車闢水

在滎陽縣

西南水經注車闢水出于嵩渚之山泉發于層阜
之上一源兩支分流瀉注世謂之石泉水東流為

索水西注為車闢西北流陽蘭水注
之又西北蒲水入焉亂流注于汜

黑水

在禹州
東北源

出州北二十里杏山東之

岵水

在禹州西南二十里水經注陽翟縣

張瓊澗東南流合潁水

有故堰堰石崩礮類基尚存舊遏潁水支流所出

也其故潁南流逕三封山北渠中有泉派出焉

謂之岵水東經三封山東東南歷大陵西連山又

東南流積為陂俗謂之臺陂又西南流逕夏亭城

西又屈而東南為邨之靡陂按今

志謂三峯山有二泉分流疑即此水

滴瀝泉水

在密

縣東五里水經注滴瀝泉水出深谿之側泉

流丈餘懸水散注故以滴瀝稱南流入清水

承雲

水

在密縣東水經注承雲二水俱出承雲山二源

雙導東南流注于潁縣志今有新蛟臺河源出

縣東北十五里雙溝南流

武定水

在密縣東水經注水出北武定

會衆水入潁今名蛟河

岡西南流又屈而東南流逕零鳥陂西側臨東南

流臨側又水懸流赴壑直注澗下淪積成淵為零

鳥水東南流入于洧縣志今有楊河源出縣東北二十里東南流至大駝鎮又東北入洧子節

水

在密縣西水經注襄河水出北山子節溪亦謂之子節水東南流注于洧縣志有青山河源出

青屏山南流經縣西門外合十河口入洧疑即子節水

微水

在密縣南水經注水出微山東

北流入于洧縣志今有父坪河在縣西南二十里坪下數泉並出合流至縣東南東北入洧璪

泉水

在密縣東南水經注璪泉出玉亭西北流注于洧水縣志泉在大駝鎮西南八里其水不

流亦不洩馬關水

在密縣東南五十里水經注馬關水出玉亭下東北流歷馬關謂之馬關

水又東北注于洧

漆水

在密縣東北流經新鄭縣西北又南流合洧水一名潛水或又作鄆

水詩漆與洧方渙渙兮說文漆水在鄭國南入於洧水注鄆水出鄆城西北雞絡塢下東南流逕賈

復城西東南流左合澁水又注鄆水出鄆城西北
雞絡山下東南流逕賈復城西東南流左合澁水
又南左會承雲山水又東南流歷下田川經鄆城
西謂之柳泉水又南懸流奔壑其下積水成潭廣
四十許步淵深難測又南注于洧寰宇記新鄭縣
漆水在縣北洧水在縣南九域志密縣有鄆水即
漆水也縣志漆洧自密兩水會合而東綏水在密
為雙洧河後洧流獨盛漆水漸微今涸
北水經注水出方山綏谿即山海經所謂浮戲之
山也東南流經張伯雅墓又東南流經上郭亭南
又東南注洧縣志有十河口在縣西八里源出
縣西北山澗皆匯斯口南流入洧疑即此水黃
水在新鄭縣西北源出自然山經縣城北東南流
入于洧左傳襄公二十八年公如楚過鄭伯有
勞于黃崖注滎陽宛陵縣西有黃水水經注黃
水出太山南黃泉東南流逕華城西東南流有與

上水合又東南流捕章山水注之又南至鄭城東北東轉于城之東北與黃溝合又東南逕龍淵泉東

南七里溝水注之又屈而南流逕升城磴固川在

南又南歷燭城西又南流注于洧水水縣南四里源出川西石洞溝潛行復出竹川在

東北流為磴固中有柏柿峪蕭家溝二溪澄淨不見水源而下自潺湲居人多引為洺汜水

地瘠獨此膏腴麻地川在禹州北具茨山西茨山藉此水之利也西伏流南踰杏山湧出入

潁川民嘗黑峪川在密縣東北二十五里東流至汲以灌麻鄭州入京水又槐谷川在縣北

三十里北流入滎陽之須水又龍泉寺泉在縣北二十里亦北流入須水古逢澤在祥

南左傳哀公十四年逢澤有介麋史記秦本紀孝公二十年使公子少官率師會諸侯逢澤漢書地

理志開封縣逢池在東北或曰宋之逢澤也注臣
瓚曰汲郡古文梁惠王發逢忌之藪以賜民今浚
儀有逢澤陂忌澤是水也水經注新溝水出逢池
上承役水于苑陵縣別為魯溝水東南流逕開封
縣故城北東南入百尺陂即古之逢澤也其水東
北流為新溝又東北注渠恬地志逢澤亦名蓬池
在浚儀縣東南十四里元和志逢澤在開封縣東
北十四里舊志有伯俞河在府城南二十里東流
一名東溝河即逢池也唐書地理志開封有福源
池本逢池天寶六載更名禁漁採此別一池在縣
東北古滎澤在滎澤縣治南禹貢滎陂既豬又沆水
豫州其川滎洛左傳宣公十二年楚潘黨逐晉魏
錡及滎澤後漢書郡國志滎陽有滎澤劉昭注縣
東滎澤也水經注濟水又東逕滎澤澤地故滎水
所豬也京相璠曰滎澤在滎陽縣東南與濟隧合

鄭康成曰自平帝以後滎澤塞為平地滎陽民猶以其處為滎澤在其縣東括地志在滎澤縣西南

四里冷
成平地

古圃田澤

在中年縣西詩小雅東有甫草周禮職方氏豫州其藪澤曰圃

田爾雅九藪鄭有圃田左傳僖公三十三年鄭望武子曰鄭之有原圃猶秦之有具圃也漢書地理

志中年縣圃田澤在西豫州藪水經注圃田澤多蘇黃草詩所謂東有甫草也西限長城東極官渡

北佩渠水東西四十餘里南北二百餘里中有沙岡上下二十四浦津流逕通淵源相接各有名焉

有大漸小漸大灰小灰義魯練秋大白楊小白楊散嚇曷中羊園大鵠小鵠龍澤密羅大哀小哀大

長小長大縮小縮伯邱大蓋羊眠等浦水盛則北注渠溢則南播故竹書紀年梁惠成王十年入河

水于甫田又為大溝而引甫水者也斯圃乃水澤之所鍾為鄭隰之淵藪括地志圃田澤在管城縣

東三里元和志在中年縣西北七里上承陳州管
城縣界曹家陂又溢西北流為二十四陂大鵠小
鵠之類是也名勝志皇畿賦曰八澤九溝二池三
固自注云八澤者清口澤管澤雁澤蓼澤淳澤畢
澤龍澤滑澤也九溝者醋溝鵠鳥溝青陽溝泥溝
蓼溝渡沒溝丈八溝浮家溝白馬溝也二池青陽
池蓮藕池也三固漸澤在洧川縣北二十里廣四
潘固朱固鄭固也
上釣于漸澤即制澤在新鄭縣東北左傳成公十
北今名指澤陂制澤六年諸侯之師次于鄭西遷
于制田注滎陽苑陵縣東有制澤水經苑陵二
城以東患多陂澤即古制澤春秋之制田也沙

海

舊志在祥符縣西北十二里今無水元和志在
開封縣北二里戰國策齊欲發卒取周九鼎顏

率說曰大梁之君臣欲得九鼎謀于沙海之上為
日久矣即謂此也隋文疏鑿舊跡引汴水注之習

舟師以伐陳陳平之
後立碑其側以紀功
絡江自許州流入鄆陵縣經

華縣
大治在洧川縣西北三里亦名白雁陂穆天
子傳天子飲許男于洧上秉鳥舟龍卒

浮于大治水經注白鴈陂在長社東北東西七里
南北十里在林鄉之西南縣志大治縱廣百餘頃

今名為楊家湖
坡溝在陳留縣宣洩境內積水又
下流入雙泊河小溝亦在陳留俱於乾隆二

十二年挑
長明溝自許州長葛縣流入洧川縣南
瀆深通東流至尉氏縣西水經注水出

苑陵縣故城西北謂之龍淵泉南流又東重泉水
注之又東南入白雁陂自陂引瀆南流謂之長明

溝東轉徑向城北又東右徑為染澤陂又東經尉
氏縣故城南溝瀆自是三分北分為康溝寰宇記

長明溝在縣西南四十五里與大溝合流舊
志康溝在縣南門外東流入白家潭小黃河
湯王

溝

在汜水縣東二十里相傳成湯禱雨處有池一泓常不溢溢即大雨又麒麟溝在縣西古嶺關

北飲馬溝在大任山下犁轅溝在縣西二里形勢回曲如犁轅然滿家溝在縣東北四十里即古五

龍塢

犢水溝

在禹州城北十里南流入潁

濺溝

在禹州城東北二十五里源出

金牛山合聖水

牽渠

在鄭州東魏牽招為廣武太守郡城井苦不可食招為鑿

渠引城外清泉注之民以為便因名

龍池湖

在鄭州東李魏公廟後周三里許居民依水種

蓮

梁家湖

在鄭州東二十里又大小回湖俱在州東三十里二湖相連下達中年縣入黃

河又螺螄湖在

西湖

在鄆陵縣西南二里宋時引城北蔡水灌注之

霧澤

陂

在祥符縣西南宋史河渠志熙寧九年提轄修京城所請引霧澤陂水至咸豐門合京索河元

祐元年詔斥祥符霧澤陂募民承佃增置水墾今
潤舊志有募天陂在府舊城北宋靖康初李綱與

金兵戰

僕射陂

在鄭州東南四里唐書地理志管城有僕射陂後魏孝文帝賜僕射

李冲因以為名天寶六載更名廣仁池禁漁採
宇記李氏陂在廣城縣東四里周園十八里曲有

舊聞僕射陂本以李冲得名近世訛為李靖崇寧
中至賜廟額漢有正之者舊志今名城湖其西有

雷家澤即此
湖之源也

蔡澤陂

在尉氏縣西南水經注蔡澤陂出鄆陵城西北陂東西五

里南北十里縣志有大陂在縣西南四十里東流
入扶溝縣界蓋即蔡澤陂也又有聖水石橋天支

陂司馬寄生陂鴻雁蓮花渚陂
旱則堅確難耕潦則汪洋無際

白楊陂

在汜縣東魏書地形

志雍邱有白楊陂水經注雖水逕雍邱縣故城
北又東水積成湖俗謂之白楊陂方四十里

觀

省陂

在陳留縣東唐書地理志陳留有觀省陂貞觀十年縣令劉雅決水溉田百頃板渚

在汜水縣東北二十里水經注河水東逕板城北有津謂之板城渚口唐書武德四年竇建德救王世充軍于成皋東原築宮板渚元金明池在祥符和志在汜水縣東北三十五里縣西五

代周顯德四年世宗謀伐南唐鑿池習水戰宋太祖置神衛水軍以習舟師太宗幸池閱水戰大中

祥符六年詔諸選江淮習水卒於金明池試戰棹

立為虎翼軍營于池側政和中又于池內建殿宇

後燬又講武池在南薰門外故玉津園東宋建寧四年鑿以習水戰引蔡水注之名教戰池開竇六

年改名講武今淤凝碧池在祥符縣東南平臺側唐牧武今淤澤也宋真宗時鑿為池今淤黃

池

在封邱縣南春秋哀公十三年公會晉侯及吳子于黃池杜預注封邱縣南有黃亭近濟水國

語吳王掘深溝于高壘之間西屬之濟以會晉公
午于黃池杜預注池在縣西南七里東西廣三里

蓬池

在尉氏縣東北一百里寰宇記池在縣北五
里述征記大梁西南九十里尉氏縣有蓬池

阮籍詩徘徊蓬池上
回首望大梁即此

蓮花池

在鄭州東三十里又
一在汜水縣西北

流入

龍女池

在鄆陵縣南馬欄鎮龍女廟
前池周八丈歲旱禱雨輒應**飲馬池**

在陳留縣西七里明洪
武初幸汴駐蹕于此

龍池

在密縣東北大騾鎮
西南又縣西北蘭岩

山有黑
龍池

黑龍潭

在洧川縣東十五里相傳有龍潛
伏入滎陽縣東北二十里滎澤縣

東南五里
皆有龍潭

溫家潭

在鄆陵縣西北十八里羣岡竄
起其最巔處津渠浩淼西折為

淵澄清深潔
大旱不竭

龍潭

在密縣東南三十里近大騾山
麓有數源流注潭口兩岸皆石

欽定四庫全書

卷一百四十九

水流倒激崖竅飛瀑如雷潭側靈泉在榮陽縣東北二十五里

峯巒峭拔其水瑩淨色如琉璃
四時不涸
聖水泉在禹州北三十里旱禱輒應又

流入順河
南流
金花泉在密縣南橫廣二畝自地湧出又縣

入潁
一名五
甘泉井在祥符縣治北明統志魏國公徐

眼泉
能食永樂初忽湧此
琉璃井在儀封縣請見亭西

泉色瑩而味甘因名
不假甃造光耀自然又名
瓦井在榮陽縣西南十

聖井世傳夫子曾飲於此
漢高祖與項羽戰敗于京索遁入此井蛛網其
口鳩正鳴其上追者以為無人遂得脫因名
靈

仙井在榮陽縣南二十五里靈仙
寺前元延佑間龍見于井
漆井在鄆陵縣

西七里陳

實祠前世傳太邱故宅內井井神井在杞縣西南

口內漆以隔歲歲早禱雨於此

龍井

在尉氏縣南岳寨保早禱

城內有神井能興霧電明統志

每歲旱於此取水禱雨輒應

多湫水井在禹州城北省志世傳井源與靈泉

應聖水泉相通大旱不涸澇亦不溢

欽定大清一統志卷一百四十九

欽定四庫全書

欽定大清一統志卷一百五十

開封府二

古蹟故東京城

今府城故基五代梁建東都後唐罷晉復曰東京宋因之趙懿麟侯緒錄

開封舊城即汴州城唐建中二年節度使李勉重築宋初號曰闕城亦曰裏城周顯德三年詔別築

新城號曰外城亦曰羅城皆韓通王朴二人所經度宋史地理志東京舊城周圍二十里一百五十

五步東二門北曰望春南曰麗景南面三門中曰朱雀東曰保康西曰崇明西二門南曰宜秋北曰

閭闔北三門中曰景龍東曰安遠西曰天波新城周圍五十里一百六十五步大中祥符九年增築

南三門中曰南薰東曰宣化西曰安上東二門南
曰朝陽北曰含輝西二門南曰順天北曰金輝北
四門中曰通天東曰長景次東曰永泰西曰安肅
汴河上水門南曰大通北曰宣澤汴河下南曰上
善化北曰通澤惠民河上曰晉濟下曰廣利廣濟
河上曰咸豐下曰善利上南門曰永順其後又於
金輝門南置開遠門金史地理志都城門十四李
夢陽修城記河南省城即宋之內京城其外城已
毀

浚儀故城

在祥符縣西北史記魏惠王三十一
年徙治大梁秦始皇二十二年王賁

攻魏引河溝灌大梁大梁城壞其王請降盡取其
地漢書地理志陳留郡浚儀縣故大梁水經注大
梁城本春秋之陽武高陽鄉也於戰國為大梁周
梁伯之居也後魏惠王自安邑徙都之故曰梁秦
滅以為縣漢文帝封孝王於梁孝王東都睢陽自
是置縣以大梁城廣居其東城夷門之東夷門即

侯藏北岡處也舊唐書地理志汴州浚儀古縣隋
置在今縣北三十里為李密所陷縣人王要漢平
豪族置縣於汴州之內武德四年移縣於州北羅
城內貞觀元年移於州西一里按左傳所載梁
伯大其城號曰新里在今陝西同州開封故城在
有新里城水經注即以爲大梁城誤開封故城在
符縣南五十里戰國魏邑史記韓釐王二十一年
使暴戾救魏爲秦所敗戾走開封秦二世三年鄴
商將陳留兵攻開封漢高祖封功臣陶舍爲侯邑
後爲縣屬河南郡後漢因之晉改屬滎陽郡後魏
太平真君八年併入苑陵景明元年復置孝昌中
改屬陳留郡東魏天平初增置開封郡北齊郡廢
隋屬滎陽郡唐屬汴州貞觀元年省入浚儀延新
和元年復置移入州郭管東界明初省入祥符
里故城在祥符縣東三十里樂史太平寰宇記隋
開皇十六年分浚儀置新里縣大業二年

廢唐武德四年復陳留故城今陳留縣治公羊傳

伯取鄆觀元年又廢陳留故城古者鄭處於留後鄭

孟康曰留鄭邑也後為陳所并故曰陳留臣瓚曰

宋亦有留彭城留是也留屬陳故稱陳留也魏書

地形志開封有陳留城李吉甫元和郡縣志陳留

縣西至汴州五十里開皇三年分浚儀置襄宇記

小陳留縣在縣南三里晉太康地道記曰陳留先

有陳留縣以北有大城故此號小城按陳留晉

志不載故襄宇記以為西晉末廢而隋志謂為後

魏廢又按括地志元和志所記至州道里小黃故

城在陳留縣東北戰國魏邑史記黃歇說秦昭王

曰王取首垣以臨平邱小黃即此漢置縣晉泰

始元年封魏廢帝為陳留王移治於此鄴道元水

經注濟水逕小黃縣故城北縣故陽武之東黃鄉

也因水以名縣北齊廢入陳留唐初復置屬汴州
貞觀初又省括地志小黃故城在陳留縣東北三
十三里寰宇記唐初小黃雍邱故城今杞縣治春
縣在陳留縣西南四十里
宋皇受帥師取鄭師於雍邱史記韓景侯元年伐
鄭取雍邱秦始皇五年蒙鶩攻魏定雍邱二世二
年沛公與項羽畧地至雍邱興秦軍戰大破之
漢書地理志陳留郡雍邱縣故杞國也周
武王封禹後東樞公先春秋時徙魯東北
魏王初四年徙封弟植為雍邱王晉太興
三年祖述為豫州刺史鎮雍邱水經注汝
水自鳴雁亭南又東逕雍邱故城北元和
志雍邱本漢舊縣亦古之雍國其城北臨汴河元
史地理志元初於故城北二里河水北岸築新城
置縣總又修故城號南杞縣縣志張外黃故城在
赤城在縣北五里即元時所築新城

縣東左傳惠公季年敗宋師於黃杜預注黃宋邑

陳留外黃縣東有黃城史記魏惠王三十年齊擊

魏魏太子申為上將軍過外黃秦二世二年沛公

與項羽略地至雍邱還攻外黃漢書地理志陳留

郡外黃縣都尉治張晏曰魏郡有內黃故加外臣

贊曰縣有黃溝故氏之也晉屬陳留國後魏廢魏

書地理志濟陽縣有外黃城隋復置外黃縣屬濟

陰郡唐初屬杞州貞觀六年復廢元和志外黃故

城在雍邱縣東六十里又春秋昭公二十五年

宋公佐卒於曲棘杜預注外黃城中有曲棘里

縣故城宣子在杞縣南春秋時鄭地左傳昭公五年

記楚人以弋說襄王曰王朝張弓而射魏之大梁

之南還射圍之宋是也漢置圉縣屬淮陽國後漢

屬陳留郡晉屬陳留國後廢魏景明元年復置

後改曰圉城屬陽夏郡北齊廢隋開皇六年復置

後改曰圉城屬陽夏郡北齊廢隋開皇六年復置

圍城縣屬梁郡唐初屬杞州貞觀元年廢蕭總言括地志故圍城有南北二城在雍邱縣界寰宇記

在縣南五十里金史地理志杞縣有圍城鎮縣志今名南圍鎮尉氏故城今尉氏縣治漢

置縣應劭曰古獄官曰尉氏鄭之別獄也臣瓚曰鄭大夫尉氏之邑故還以為邑通鑑隋義寧元年

尉氏城主時德睿應李密唐武德二年德睿降於王世充以為尉州刺史三年德睿以所部七州來

降改尉州為南汴州元和志縣北至汴州一百里本漢舊縣武德四年置洧川貞觀元年廢以縣屬

汴州寰宇記恭始皇二年洧川故城在今洧川縣置縣即南阮所居之所洧川故城在今洧川縣南十里金史

地理志開封府洧川縣興定二年以尉氏縣之宋樓鎮陞洧川縣志明洪武二年縣令俞廷芳以水

患遷鄆陵故城在今鄆陵縣西北春秋隱公元年今治鄆陵故城鄭伯克段於鄆成公十六年晉侯

及楚子鄭伯戰於鄢陵楚子鄭師敗績史記韓宣
惠王十四年秦伐敗我鄢漢書功臣表鄢陵侯朱
澤高帝十二年封後漢書郡國志鄢陵春秋時曰
鄢郢書地形志鄢陵縣有鄢陵城括地志鄢陵故
城在今鄢陵縣西北十五里元和志鄢陵縣西北
至許州七十五里縣志古鄢城在縣西北甘羅係
北又縣南
中牟故城 在今中牟縣東水經注沫水
有朱澤城
云中牟在春秋時鄭之堰也及三鄉分晉則在於
魏之邦土元和志中牟縣西至鄭州七十里本漢
舊縣縣理即古中牟故城寰宇記後周保定五年
中牟移於今縣西三十里圃田城隋開皇十七年
於中牟舊城置郟城縣十八年改圃田城曰圃田
縣大業二年廢郟城縣移圃田縣於中牟城唐初
復改中牟縣志故城在今縣東六里明天順中移
今治 按中牟有二史記正義云相州蕩陰縣西

有牟山趙中年邑在山剛此中年乃鄭地其名中牟始於漢非趙中牟也班志謂趙厭侯自耿從此

誤東昏故城

在蘭陽縣東北二十里本古戶牖鄉左傳哀公十三年會於黃池吳人因

子服景伯以還及戶牖歸之史記陳平陽武戶牖鄉人索隱曰秦時戶牖鄉屬陽武至漢以戶牖為

東昏縣屬陳留漢書地理志東昏縣莽曰東明魏書地形志濟陽縣有東昏城括地志東昏故城在

陳留縣東北九十里寰宇記東明縣在開封縣東九十里即府界靜戎鎮之地尋為東明鎮西南去

陳留縣八十里東昏故城在今縣西北金史地理志曹州東明縣初隸南京後避河志徙河北宛句

故地後以故縣為蘭陽儀封有舊東明城明統志金析東明六鄉為縣取其首鄉曰蘭陽以為名縣

志縣舊治東北五里濟陽故城在儀封縣北竹書明洪武九年遷今治

十年城濟陽史記蘇代約燕王曰決白馬之口魏
無外黃濟陽漢置縣屬陳留郡景帝中六年封梁
孝王子明為濟川王應劭曰今濟陽縣也又元帝
永元三年立子康為濟陽王後漢書南頓君初為
濟陽令以建平元年生光武於縣舍晉屬陳留國
後魏咸和二平置徐州於此皇興初州廢孝昌中
改屬陽夏郡隋屬濟陰郡唐貞觀初省入宛朐縣
括地志濟陽故城在宛朐縣西南三十五里舊志
在今儀封縣
北五十里
儀封故城
在儀封縣東北十七里金
廢宋明縣為通安堡元至

大元年於此置縣明洪武十二年圮於河
河遷於西南通安鄉之白樓村即今治也
管城故

城即今鄭州治周初管叔封於此春秋時鄭地左
傳宣公十二年楚子闍鄭晉師救鄭楚子次於

管以待之韓非子魏安釐王攻韓拔管使縮高守
之漢書地理志中牟有管叔邑杜預左傳注滎陽

京縣東北有管城水經注汴家溝水經管城西故
管國也元和志管城縣自漢至隋皆為中牟縣地

隋開皇十六年於此置管城縣又分置管州唐貞
觀元年廢管七年自武牢移鄭州於今理明初又

省京縣故城在滎陽縣東南左傳隱公元年鄭武
姜為叔段請京使居之謂之京城太

叔史記漢二年楚與漢戰滎陽南京索間應劭曰
京縣名屬河南郡隋書地理志後齊省京縣入滎

陽括地志京縣在滎陽縣東今滎陽縣
南二十一里即鄭之京邑古大索城今滎陽縣
治左傳昭

公五年晉韓宣子如楚送女鄭子皮子太叔勞諸
索氏杜預注成華縣東有大索亭水經注索水北

逕小索亭西世語以為本索氏兄弟居此故號小
索又北逕大柵城東晉滎陽民張卓董遇等遭荒

流離鳩聚保固名為大柵塢魏太平真君中潁州
刺史崔白自虎牢移州治北開廣舊城創制政築

太和十七年遷都洛邑省州置郡索水又北屈東
逕大索城南晉地道記所謂京有大索小索亭漢
書京索之間也括地志今滎陽縣即大索城又有
小索城在縣北四里按水經注分大柵大索為
兩城括地志元和志合為一城晉灼曰須水故城
索音柵蓋大柵即大索之訛不當分也須水故城
在滎陽縣東三十里唐武德四年置滎陽故城在
須水縣屬管州貞觀元年省入滎陽
澤縣西南戰國時韓邑史記韓桓惠王二十四年
襄拔我滎陽漢二年漢王兵大振滎陽破楚京索
間後置縣後漢時魚置都尉獻帝起居注建安十
八年省州併郡豫州得江南滎陽都尉魏志正始
中傳瑕拜滎陽太守水經注索水逕滎陽縣故城
南其城跨倚岡原居山之陽魏正始三年詔割河
南郡羣縣自關以東創建滎陽郡蓋魏時已置郡
晉因之也後魏太和十七年移郡治大柵城而此

城廢括地志榮陽故城在今榮澤縣北
在榮澤縣西南十七里

武八年為河水所紀遷今治河陰故城在榮澤縣西元和志河陰縣西南至府二百三

十里本漢榮陽縣地開元二十二年以地當汴河
口分汜水榮陽武陟三縣地於輸場東置縣以便

漕運即侍中裴耀卿所立舊志元時徙治廣武山
北之大峪口明初又徙在榮澤縣西十五里本

朝乾隆三十年省入榮澤成臯故城在汜水縣西北本古東號國後屬鄭為制邑亦曰北

制左傳隱公元年鄭莊公曰制巖邑也號叔元焉
五年鄭敗燕師於北制是也又名虎牢穆天子傳

天子射獵於鄭圃有虎在乎葭中天子將至七萃
之士高奔戎生捕虎而獻之天子命之為押畜之

東虞是為虎牢左傳莊公二十一年鄭伯定王室
王與之武公之略旬虎牢以東襄公二年孟獻子

請城虎牢以逼鄭遂城虎牢其後為成臯戰國策
三晉已破智氏將分其地段規謂韓王曰分地必
取成臯韓王曰成臯石溜之地無所用之段規曰
王用臣言則韓必取鄭王曰善取成臯至韓之取
鄭果從成臯始史記秦莊襄王元年使蒙驁伐韓
韓獻成臯漢三年漢王從滎陽走成臯晉書地理
志成臯縣有闕宋書州郡志武帝北平關洛置司
州刺史治虎牢水經注河水經成臯縣北縣治任
山上滎帶任阜岸絕峻周高四十許文即虎牢也
城西北隅又有小城周三里魏書地形志秦常中
置北豫州治虎牢元和志開皇十八年改成臯為
汜水縣開元二十九年自武牢城移於今理西南
至河南府一百八十里舊志虎牢城在縣西二里
明洪武二年改虎牢為古嘴關置巡司戍守成化
十七年裁今縣城即故闕城唐時所移也成臯故
城在縣西大任山上元至大初以河患遷治於縣

東十里洪武六年復舊治以陽翟故城即今禹州

治本禹始

封邑周為鄭櫟邑春秋桓公十五年鄭伯哭入於

櫟注鄭別都也今河南陽翟縣史記韓景侯九年

鄭圍我陽翟其後為韓國都恭始皇十七年內史

騰攻韓韓王盍納其地以為潁川郡漢元年項羽

使韓王成因故都都陽翟六年韓王信徙太原復

為潁川郡地理志郡治陽翟縣夏禹國韓景侯自

鄭徙此是也水經注潁水東逕陽翟故康城故城

城北寰宇記縣在許州西北九十里

在禹州西北本夏少康故邑水經注潁水東歷康

城南夏少康故邑也魏明帝封尚書衛臻為康鄉

侯邑於此後魏孝昌中置康城縣屬陽城郡隋仁

壽四年廢入陽城縣唐武德四年復置屬嵩州貞

觀三年省梁載言十道志陽翟有密縣故城在今

少康城舊志在今縣西北三十里

密縣故城縣東

欽定四庫全書

李氏少清一記
卷一百五十

南春秋僖公六年公會伐鄭圍新城左傳諸侯伐鄭圍新密鄭所以不時城也注新城鄭新密今榮陽密縣鄭以非時與土功齊桓聲其罪以告諸侯故書新城漢置縣屬河南郡地理志密縣故國水經注密縣故城春秋謂之新城漢置密縣於此晉永嘉五年司空荀藩等建行臺於密亦此城也寰宇記今縣東南三十里有古密城即漢理所高齊文宣移理於今縣東四十里故密縣城隋大業十二年又移於今理
鄆城在密縣界東北五十里接新即古法橋堽城
鄆國語史伯曰姁姓鄆鄆路偃陽平王時鄭武公滅鄆而併其地左傳偃公三十三年鄭襄公子瑕于鄆城之下杜預注古鄆國在滎陽密縣東北詩正義鄆即鄭地元和志在鄭州新鄭縣東北三十里
新鄭故城在新鄭縣北周宣王封其弟于鄭幽王之亂桓公寄孥于號鄆平王東遷

武公遂徙于此仍名曰鄭左傳隱公十一年鄭莊公曰吾先君新邑于此昭公十七年梓慎曰鄭祝融之墟也史記韓哀公二年滅鄭徙都之暴置新鄭縣始皇二十一年新鄭反漢志新鄭詩鄭國也

晉省杜預左傳注鄭國在宛陵縣西南永嘉之亂李矩自滎陽移屯新鄭即故城也隋復置縣括地

志故城在洧水北今在水南三里

宛陵故城

在新鄭縣東北秦置縣史記樊噲攻宛陵

先登正義故城在鄭州新鄭縣東北三十八里寰宇記新鄭縣宛陵故城漢縣晉末省後魏於故城東北五里改置宛陵縣城隋大業末復省按宛陵城新鄭及尉氏洧川三縣志並載今以地度之

新鄭東北即洧川西北北漢以來之宛陵蔡陂廢縣本在于此唐武德四年移置于尉氏界

在尉氏縣西南隋書地理志開皇十六年置蔡陂縣大業初省入鄆陵寰宇記蔡陂城在尉氏縣西

欽定四庫全書

卷一百五十

南三十里隋開皇十六年分長葛許昌
鄆陵三縣地置蔡波縣大業二年廢
苑陵廢縣

在尉氏縣南即古山氏城水經注徐水自陽邱亭
東流逕山氏城竹書紀年梁惠王十六年秦公孫

壯率師城上枳安陵山氏者也寰宇記廢苑陵縣
城在尉氏縣南四十八里古苑陵城今見新鄭縣

唐武德四年安撫使任瓌移苑陵于尉氏
縣界古山氏城置屬洧州貞觀元年廢
康陰廢

縣在尉氏縣東南唐書地理志武德四年置洧州
并置康陰縣貞觀元年省寰宇記廢康陰城在

尉氏縣東南四十里安撫使任瓌
於古亭城置以在康溝南因名
清池廢縣
在中

西本古清陽亭水經注清池水逕清陽亭南即故
清人城也詩所謂清人在彭彭為高克邑故杜預

春秋釋地云中年縣西清陽亭是也舊唐書地
理志武德四年置清池縣屬管州貞觀元年廢
故

市廢縣

在鄭州西北三十五里漢縣屬河南郡高帝六年封功臣閻澤亦為侯國後漢省又

建安五年曹操燒袁紹輜重于故市在今延津縣界

黃臺廢縣

在禹州東北東魏興和元

年分陽翟置黃臺縣屬陽翟郡隋大業初廢入潁川縣唐武德四年復置屬許州貞觀元年廢寰宇

記黃臺在陽翟曲梁廢縣

在密縣東北魏書地形志廣武郡曲梁孝昌中

分密置隋志後魏置曲梁縣後齊廢按今縣東北有曲良保蓋故縣之地後人誤梁為良消

源廢縣

在密縣西唐書地理志武德三年分密縣置零水洧源二縣四年省

倉垣城

在祥符縣西北晉永嘉三年詔將軍王堪等討石勒勒至黎陽堪退保倉垣四年勒復圍陳留太守

王讚于倉垣五年荀晞以洛陽饑困請遷都倉垣後姚秦置兗州刺史義熙十二年劉裕伐秦克倉

垣宋永初二年魏滑稽陷倉垣水經注汲水東逕倉垣城南即大梁縣之倉垣亭也城臨汲水陳留

相畢邀治北魏書地形志浚儀縣有倉垣城元和志長垣故城一名倉垣城在開封縣北二十里

青城

有二一在府城南門外宋南郊祭天齋宮也號南青城一在北門外宋北郊祭地齋宮也

號北青城東京夢華錄青城舊止以臨濟城在陳青布幕為之宣政間悉用土石蓋造留縣

西北五十里史記秦二世二年章邯圍魏王咎于臨濟後漢書郡國志平邱有臨濟城

莘城

在陳留縣東北左傳僖公二十八年晉侯登有莘之墟以觀師括地志古莘國在陳留縣東五里故

莘城是也元和志古莘斗城在陳留縣南水經注城在縣東北三十五里

斗城

在陳留縣南水經注沙水東南逕斗城西

左傳襄公三十年子產殯伯有尸其臣葬之于是城也寰宇記在陳留縣南三十五里縣志今為斗

橋

老邱城

在陳留縣北寰宇記在陳留縣北四十里春秋傳定公十五年鄭罕達敗宋

師于

張良城

在陳留縣東寰宇記在陳留縣東六十里漢高祖為張良築良之世孫德

為兗州刺史襲封陳留侯食小黃萬戶煬帝時葬于城西南三百步

高陽城

在杞縣西漢書

沛公西過高陽注文穎曰聚邑名屬陳留圉縣臣費曰陳留傳在雍邱西南後漢書初平元年封蔡

邕為高陽鄉侯水經注睢水東逕高陽故亭北俗謂之陳留北城寰宇記高陽城在雍邱縣西二十

九里額頊高陽氏佐少昊有功受封此邑空桑城在陳留縣南寰宇記

二十里帝王世紀伊尹生於空桑即此

棋城

在杞縣西北十八里按陳思王叢

封雍邱王表云禹祠原在此城漢光武移在雍邱城內棋請還于舊館棋者吉祥之名舊志亦名箕

城在杞縣西北三十里隋末王世充嘗置縣于此
又有吳起城在縣東北十里傳是吳起屯兵處

肥陽城

在杞縣東北寰宇記在雍邱縣東北二十里城冢記禹治洪水在肥澤之陽因築此

城杞縣志今有肥陽集

陽樂城

在杞縣東北四十里水經注汧水北逕陽樂城南西征記

城在汴北一里周五里雍邱縣界

牛首城

在通許縣西北左傳桓公十四年宋人以諸侯

伐鄭取牛首水經注沙水東南逕牛首亭東俗謂之車牛城寰宇記城在陳留縣西南十一里九城

志咸平縣有牛首城

石倉城

在通許縣西水經注八里溝水南逕石倉城西寰宇記石倉城

在陳留縣西南七十里城冢記云鄭莊公理開封東南築此城積倉粟因名盛倉城盛與石音相近

故記為石倉縣志有上倉城在今縣西八里

裴氏城

在通許縣東水經注沙水東南逕陳

留縣表氏鄉表氏亭西寰宇記表氏城在陳留縣南六十里城家記云秦時故縣也金史地理志通

許有煉城

在通許縣東南三十里相傳高歡所築

菟氏城

在尉氏縣西北寰宇

記在尉氏縣西北四十里左傳昭公五年鄭伯勞屈生于菟氏

平陸城

在尉氏縣東北三十

五里漢書王子侯表平陸侯禮楚元王子孝景元年封水經注康溝東逕平陸縣故城北即元王子

國建武元年口戶不滿三千罷為尉氏縣之陵樹鄉又有陵樹亭建安中封尚書荀攸為陵樹鄉侯

北有大澤名曰長樂廐

鍾城

在尉氏縣西北五十里魏太尉鍾繇故

里寰宇記在縣西北其城南三里有鍾繇碑

雞鳴城

在尉氏縣西南水經注皇陂水北對

雞鳴城即長社縣之陂城也寰宇記城在縣西南三十里

向城

在洧川縣西南左傳襄公十一

年諸侯伐鄭會于北林師于向社預注向地在潁川長社縣東北水經注康溝水東北逕向岡西即

鄭之向鄉也又曰雁陂東逕向城北城側向岡縣志古向城在縣南大隧山北洧水許俗訛為上城

又名莊蔣城在洧川縣北衆字記在尉氏縣安陵公城

城在鄆陵縣西北史記齊宣王四十三年田莊子伐魯葛及安陵戰國時魏襄王封其弟為安陵

君後漢書鄆國志劉昭注李奇曰鄆陵六國時曰安陵史記正義在鄆陵縣西北十五里按安陵

當即鄆陵城水經注太邱城在鄆陵縣城外元和分為二姑存備考

十里陳寔嘗為此縣長金陶城在鄆陵縣南水經史地理志鄆陵有太邱縣注潁水西南流逕

陶城西元和志故陶城在鄆陵縣南焦城在中年五十里相傳晉陶侃征杜歆所築

縣西南

水經注役水流逕焦城東竹書紀年梁惠成王十六年恭公孫壯伐鄭圍焦城不克即此城也縣志

有焦城寺在縣西南五官渡城在中牟縣東北十里尚取古城為名

征記中牟臺下臨

汴水是為官渡衣紹曹操壘尚存水經注曹公壘北有高臺謂之官渡臺渡在中牟故世又謂中牟

臺建安三年紹進臨官渡起土山地道以逼壘公亦起高臺以捍之即中牟臺也今臺北土山猶在

山之東悉紹舊儀城在蘭陽縣北寰宇記儀城在營適臺猶存

儀城

在蘭陽縣西北二十里論語儀

封人請見鄭注儀蓋衛邑也釋地續儀邑城乃衛西南境距其國五百餘里舊志今縣北有儀封鄉

韓陵城

在蘭陽縣東北五里縣志元時徙縣治此又縣東南八里有流梁城舊亦為縣治以

渠所經而名邲城在鄭州東春秋宣公十二年晉荀林父帥師及楚子戰于邲元和志邲城

在管城縣

蔡城

在鄭州東北左傳成公四年晉伐鄭取汜蔡括地志故蔡城在管城

東六里
縣東北十五里鄭大夫祭仲邑也

武彊城

在鄭州東北史記曹參擊羽嬰于昆陽追至葉

還攻武彊薛瓚曰武彊在陽武括地志武彊城在管城縣東北三十一里

衍氏城

在鄭州北

三十里戰國策蘇秦說魏襄王曰北有卷衍史記魏景湣王五年秦拔我行暴始王九年楊端和攻

衍氏正義衍魏邑在鄭州

渠城

在鄭州東南水經注華水東經渠城北即今林亭也春秋楚救

鄭遇于北林注滎陽中牟縣西南有林亭在鄭北今是亭南去新鄭故城四十許里蓋以南有林鄉

亭故杜預據是為北林

釐城

在滎陽縣東春秋隱公十一年公會鄭伯于時來左傳作郛杜

預注時來郛也滎陽縣東有釐城鄭地也水經注濟水逕釐城東京相璠曰今滎陽縣東四十里有

故壁城

王宮城

在滎澤縣西北左傳僖公二十八年晉文公敗楚師于城濮還至于衡雍

作王宮于踐土括地志故王宮在滎澤縣西北十五里王宮城中今故城內東北隅有踐土臺垂

隴城

在滎澤縣東北左傳文公二年穆伯會諸侯及晉司空土穀盟于垂隴襄公二十七年鄭

伯享趙孟于垂隴水經注京相璠曰今滎陽東二十里有故隴城是也世謂之都尉城蓋滎陽典農

都尉治故變垂隴之名

宅陽城

在滎澤縣東北水經注濟清際有故城世謂水城非也史

記秦昭王四十二年魏冉攻魏走芒卯入北宅即故宅陽城也竹書紀年梁惠成王十三年王及鄭

釐侯盟于巫沙釋宅陽之圍晉出公六年齊鄭伐衛荀瑤城宅陽俗言水城非矣括地志宅陽故城

在滎澤縣東南十七里

平桃城

在滎澤縣東南漢書地理志東魏在滎陽後漢書郡國志

榮陽有號亭號叔國水經注索水東逕號亭南俗謂之平眺城或亦謂之號眺城非也蓋號眺字相

類字轉失實也魏書高祖紀太和十九年行幸滑臺次于石濟皇太子朝于平眺城上棘城

在禹州西北左傳襄公十八年楚師伐鄭右師城上棘遂涉潁水經注潁水逕上棘西又屈逕其城

南左傳楚師伐鄭雍氏城在禹州東北本鄭邑又城以涉潁者也

年楚為子馮公子格率銳師侵雍梁注河南陽翟縣東北有雍氏城又三十年鄭伯有奔雍梁史記

韓伐謂韓咎曰公何不令楚王築萬室之都雍氏之旁括地志云故雍氏城在洛州陽翟縣西二十

五里故老云黃帝小韓城在禹州西北晉書李矩臣雍父作杵臼也

屯于韓王故壘相去七里舊志小韓城在州西北十三里韓哀侯所築今名韓城里按韓王壘故

迹久湮據晉書去舊新鄭城七里
以今地度之當卽州境小韓城
林鄉城在新鄭縣東二

十五里春秋宣公元年會晉師于
林鄉地滎陽苑陵縣東南有林鄉
戰國策信陵君

曰從林鄉以至於今秦七攻魏
後漢書郡國志苑陵有渠林
華城在新鄭縣東南亦名華陽

亭古華國春秋時鄭地戰國屬韓
晉書嵇康嘗遊洛西暮宿華陽亭
忽有客詣之與康共談音律因

索琴彈之而爲廣陵散遂以授康
水經注黃水東南流逕華城西史
伯爲鄭桓公曰華君之土也韋

昭曰華國名史記蘇白起攻魏拔
華陽走芒卯司馬彪曰華陽亭名
在密縣嵇叔夜嘗採藥于山澤

學琴于古人
即此亭也
通許故鎮今通許縣治宋置屬陳留縣九域志在開封府東南

九十里舊志有故城址在今縣北
郭周十里明崇禎九年嘗修治之
鳴鴈亭在祀縣北左傳

成公十六年衛侯伐鄭至于鳴雁杜預注鳴雁在雍邱縣西北水經注汭水東經鳴雁亭俗謂之白

雁亭窠字記在雍少曲亭在尉氏縣東水經注康邱縣北四十里溝又東經少曲亭陳留

風俗傳曰尉氏縣有少高氏亭在禹州西南左傳曲亭俗謂之為小城也成公十七年衛北

宮括救晉侵鄭于高氏杜預注高氏在陽翟縣西南後漢志陽翟有高氏亭新瑣侯亭

鄭縣東北左傳襄公十一年六月諸侯會于北林師于向右還次于瑣圉鄭注榮陽苑陵縣西瑣侯

亭按杜預注瑣澤地闕而後人以瑣侯亭實之疑屬牽合又按水經注云洧水出苑陵縣西瑣侯

亭東世謂此亭為郤城蓋隙郤聲相近耳瑣陽邱侯與隙侯字畫相似地理亦合疑即一亭

亭與陵邱亭凡陽亭俱在新鄭縣東北水經注洧水逕陽邱亭西又龍淵泉水流逕陵邱亭西又

東南逕
元陽亭

河陰倉

在滎澤縣西廢河陰縣西元和志開元二十二年裴耀卿為相魚轉

運都使分置河陰縣及河陰倉於河清縣置柏崖倉三門東置集津倉三門西置鹽倉三門北鑿山

十八里陸行以避湍險自江淮來者悉納河陰倉自河陰候水調浮漕送含嘉倉又取曉習河水者

遞送太原倉所謂北運也

石門

在滎澤縣西北水自太原倉浮渭以入關中

有石門謂之為滎口石門地形殊卑蓋故滎波所道自此始也又漢靈帝建寧四年於敖城西北壘

石為門以遏渠口謂之石門故世亦謂之石門水門廣十餘丈西去河三里水北有石門亭劉昭曰

石門在滎陽水北一里

軒轅邱

在新鄭縣西北故城史記黃帝居軒轅之邱後漢書郡國

志河南尹新鄭黃帝之所都通典新鄭祝融之墟黃帝都于有熊亦在此也

曲遇聚

在

牟縣東史記曹參世家西擊秦將楊熊于曲遇注
徐廣曰在中年後漢書郡國志中年有曲遇聚

萬人聚

舊志在杞縣西十五里王莽將王邑破翟義於此高二文餘俗呼為烽火臺按此

即水經注魯溝所經萬陽關聚在禹州西北後漢
人散也當在縣南圍鎮書王莽遣王邑將

兵百萬到潁川光武將數千兵邀之于陽關注聚
名也在今洛州陽翟縣西北水經注潁水東南流

遲陽關聚聚夾水相對宋明堂在府城內宋汴故
俗謂之東西二王城政和七年建

宮

在府城內正北五代梁建都改軍治為宮晉為
大寧宮宋時謂之大內金因舊址少更之明初

建周王府宋史地理志建隆三年廣皇城東北隅
命有司畫洛陽宮殿按圖修之宮城周迴五里南

三門東西兩門北一門正殿曰大慶正衙殿曰文
德大慶殿北有紫宸殿視朝之前殿也西有垂拱

殿常日視朝之所也次西有皇儀殿又次西有集
英殿宴殿也殿後有需雲殿東有昇平樓宮中觀
宴之所也宮後有崇政殿閱事之所也殿後有景
福殿西有殿北向曰延和使坐殿也凡殿門皆隨
殿名宮中又有延慶安福觀文清景德雲玉京等
殿壽寧堂延春閣福寧殿其東真君殿曰積慶前
建感真閣又有龍圖閣下有寶政崇和宣德迷古
四殿天章閣下有羣玉蕊珠二殿後有寶文閣閣
東西有嘉德延康二殿苑內有崇聖殿太清樓其
西又有宣聖化成金華西涼清心等殿翔鸞儀鳳
二閣華景翠芳瑤洋三亭延福宮有穆清殿延慶
殿北有柔儀殿崇徽殿北有欽明殿延福宮北有
廣聖宮內有太清玉清冲和集福會祥五殿建流
杯殿于後苑又有慈德殿觀稼殿延義閣邇英殿
隆儒殿慈壽殿慶壽殿保慈宮玉華殿基春殿睿
思殿承極殿崇慶隆祐二宮睿成宮宣和殿聖瑞

宮顯譔間玉虛殿玉華閣觀蠶宮燕寧殿延福宮
保和殿玉清神霄宮上清寶籙宮金史地理志南
京正殿曰大慶殿東廡曰嘉福樓西廡曰嘉瑞樓
大慶後曰德儀殿內有隆德殿隆德之次曰仁安
殿仁安之次曰純和殿正寢也西曰雪香亭亭北
則后北位也有樓樓西曰瓊香亭亭西曰涼位有
樓樓北少西曰玉清殿純和之次曰福寧殿殿後
曰苑門內曰仁智殿有二太湖石左曰敷錫神運
萬歲峯右曰玉京獨秀太平巖苑門東曰仙韶院
院北曰湧翠峯東連長生殿又東曰湧金殿又東
曰蓬萊殿長生西曰浮玉殿又西曰瀛洲殿長生
殿南曰闕武殿又南曰安泰門東則壽聖宮北曰
藏音院又北曰燕壽殿藏音壽聖東曰太后苑苑
殿曰慶春明統志洪武十一年即其故址建周王

府
漢武帝行宮

寰宇記在陳留縣羅城內
漢元狩元年建今廢為倉
逍遙宮

寨宇記在陳留縣南六里隋大業二年建今廢

艮獄

在府城內東北隅宋徽宗所築王禹偁東

都事略政和初作壽山艮獄于禁城之東陬高十餘仞有飛來峯梅嶺杏岫黃楊嶽丁香嶂椒崖龍

板坡循壽山而西曰斑竹麓瀑布屏從艮獄之麓曰朝真磴海棠川神運峯其他軒榭庭徑各有巨

石布列並與賜名宋史地理志政和七年始作萬歲山山周十餘里宣和四年徽宗自為記以在國

之艮故名艮獄六年又改名壽峯獄之正門曰陽華故亦號陽華宮旬政和迄靖康積累十餘年四

方怪石奇石悉聚于斯樓臺亭館不可數計及金兵圍城日久欽宗命拆屋為薪鑿石為礮云

宜

春苑

在府城東門外宋史太祖紀建隆元年幸宜春苑春苑玉海玉津瓊林瑞聖宜春宋時為四苑

園瓊林苑

在府城西門外宋乾德二年置遇放榜設聞喜宴于此東京夢華錄瓊林苑與

金明池相對三月一日開金明池瓊林苑池周迴九里直徑七里臨水殿車駕臨幸觀爭標賜宴

於玉津園在府城南門外夾道為兩園引閼河別流貫之周顯德中置宋諸帝嘗幸于此

東京夢華錄都人出芳林園在府城內東北宋太城探春南則玉津園祖潛邸時園也即位

後號曰潛龍後改名芳林園在府城內西北隅天聖七年又改名芳林園在府城內西北隅

江北有龍德宮其地歲時次第展拓後盡都城一隅名曰摘芳園河南通志本宋徽潛邸即位廣之

瑞聖園在府城東北初為北園宋太平興國二年詔名舍芳園大中祥符三年改名梁

園在府城東南一名梁苑亦名兔園漢信陵亭在梁孝王遊賞之所唐李白有梁園吟

城東南隅相傳為魏公子無忌勝遊之地舊有亭今廢

在禹州西唐大

陳寬建宋范鎮重
修有潁溪玉亭記
大梁亭
在府城大梁門外西
偏唐韋應物有詩
流

孟亭

在府城內西北隅
唐李商隱有詩

新亭

在府城內唐刺史令
孤楚建劉禹錫有記

吹臺

在祥符縣東南六里水經注沙水南流逕梁
王吹臺東陳留風俗傳曰縣有蒼頡師曠城

工有列仙之吹臺北有牧澤中出蘭蒲方十五里
俗謂之蒲闌澤梁王增築以為吹臺今層樓孤立

於牧澤之右晉世乞活憑居削墮故基遂成二層
世謂之乞活臺又謂之婆臺城冊府元龜梁開平

中以高明門外繁臺為講武臺九域志本梁孝王
吹臺其後有繁姓居其側里人乃以姓呼之本

聖駕
巡幸河南
朝乾隆十五年

御製詩勒石

靈臺

在祥符縣南三十里梁惠
王所築一名梁惠王臺

岳臺

在祥符縣

西九里園經晉魏王暹事霍山神築此臺禱于其
上因以為名唐書律歷志測景在浚儀岳臺宋史

太祖紀建隆三年辛
岳臺命諸軍習騎射迎秋臺在祥符縣西後唐莊
宗時築宋時都人九

日於此講武臺在祥符縣西楊
登高村宋太宗所築宴臺在祥符縣東
北十里宋時

春耕藉田宴奉天臺在布政司治後明洪武初辛
百官於此汴時祭天之所又有封臺在

南門外亦尉繚子臺在尉氏縣治東北
辛汴時築相傳尉繚子所築阮籍臺在

記在尉氏縣東南二十
步阮籍每攜酒登此項羽臺在滎陽縣東五十
里俗呼霸王臺京

水流經許由臺在禹州東窰宇記許由臺在陽翟
其下東十五里又窰父臺在縣治東十

六里即窰父飲牛處舊志二
臺在州東潁水上相去一里鈞臺在禹州南即夏
臺也左傳昭公

四年楚椒舉曰夏啟有釣臺之亭注河南陽翟縣南有釣臺陂史記夏本紀桀召湯而囚之夏臺索

隱夏曰釣臺皇甫謐云地在陽翟是也水經注大陵西連山亦曰啟筮亭啟享神于大陵之上即釣

臺也元和志在陽翟縣南十五里黃臺在禹州東北亦曰黃臺岡

書地形志陽翟郡黃臺有黃臺岡水經注赤澗水逕黃臺岡下又歷東岡東南流注于洧寰宇記在

陽翟縣東卧龍臺在密縣西世傳黃帝北四里卧龍臺與廣成子問道處望母臺在新

鄭縣南洧水之南水經注繼聖臺在府治東宋真宗尹開封太宗

命創射堂習射大中祥符三年真宗臨幸射堂詔名其堂繼照景祐元年改名資善堂在

城內宋仁宗肄業所三槐堂在府城東門外宋兵大中祥符八年建

槐子庭曰吾子孫必有為三公者其後子拱奎堂

在府治內宋錢清虛堂在府治東南隅宋志古堂

在新鄭縣治內宋劉望京樓在府城西門明統志

登樓詩有因工此樓望京園豐樂樓在府城內舊

宗時重建改名樓為望京樓名樊樓宋徽

門外宋時士大遇仙樓在府城南熏門內通志金

夫錢飲于此時有狂僧李菩薩者嘗就

楊廣道趙君瑞兩家宿一日大寒楊與之酒若槐

異其事因以名樓趙東文作滿芳芳詞記之潘

樓

在通許縣南十里宋潘美別墅東京夕陽樓在

陽

縣城內唐時鳳凰樓在禹州城西南寰宇記在

乃

起樓郡中基址猶存博文樓在禹州治西南蔡

邕宅

在尉氏縣南信陵館省志在府城信陵君延

陵

館有懷信古戰場在滎澤縣廣武山文侯鄉在

武

縣西北二十五里東里在新鄭縣故城內鄭子

子

居東里因為號疏東里鄭城中里名按

南里

在新鄭縣故城南左傳晉悼公四年荀瑶帥

在城

石牛莊

在禹州西南十五里宋崔鵬所居鵬有閒居石牛莊詩

繫馬樹

明統志在滎陽縣東七里本一古槐形甚奇怪世傳漢高祖為王時繫馬于此

關隘臨蔡關

在祥符縣東南金文地理志開封縣有古通津臨蔡關通志臨蔡關在府東南

三十里以臨蔡河而名今土人呼其地曰關頭又通津關在府東北四十里埽頭集臨五文河皆周顯德旋門關在汜水縣西南十里班昭東征賦望中置旋門關在汜水縣西南十里班昭東征賦望

輿地廣記後漢中平初置八關都尉旋門其一也縣志旋門關今埽頭之南峽口也旬旋門而東至

板城渚皆成

黃馬關

在汜水縣西十五里水經注河水逕黃馬坂北謂之黃馬

關孫登之去楊駿作書與洛中故人處也

朱仙鎮

在祥符縣西南四十里宋紹興十年岳

飛大敗金兵于郾城進軍朱仙鎮今為水陸舟車會集之所置巡司又城南五里有朱仙鎮又南五

里為林店頃宋陳橋鎮在祥符縣東北四十里亦時嘗獵于此

擁立于此九域志祥符縣有八角鎮在祥符縣西陳橋郭橋八角張二等鎮

光啟三年秦宗權敗朱全忠于此今曰八角店又郭橋集在縣西北五十里即郭橋鎮盧館

鎮在尉氏縣北十里九域志尉氏縣有盧館鎮朱曲鎮九域志尉氏有

在縣東十五里洧水馬欄鎮在鄆陵縣南十里九域志鄆陵縣有馬欄

橋縣志宋都汴時畿內四鎮白沙鎮在中牟縣西募兵戍守馬欄鎮其一也

志縣有白沙圃田葛勝三鎮胡三省通鑑注葛勝在中牟縣東距大梁不過數十里又禹州西北四

十里亦有
白沙鎮
須水鎮
在蒙陽縣東四十里即古縣也

須十年寇起
賈峪鎮
在蒙陽縣東南賈峪山側九域志蒙陽有賈峪永清須水

三龍門鎮
在蒙陽縣西南方山中接汜水縣境俗名王僧店山畔有石佛泉匯為池潞則

成河早
高村鎮
在蒙澤縣境河陰廢縣西南十里
大驪鎮
在密縣東南大

驪山下相傳即故縣治金史
宣武衛
在祥符縣西北明洪武六

年置
杏花營
在祥符縣西二十里金貞祐元年元兵襲汴至杏花營元至正十九年察

罕討劉福通于汴京屯杏花
歇馬營
在尉氏縣北營明成化十四年河決于此

哀宗嘗
周太祖營
在封邱縣西北一里相傳漢乾祐末周太祖自鄴趨汴屯兵于

此岳塞

在尉氏縣南二十里又有南北二營皆岳飛屯兵處

趙皮寨

在蘭陽縣北十

六里一名張祿口明嘉靖中河嘗決于此

秦王寨

在榮澤縣西街頭堡唐太宗與竇建德相

距屯

摩天砦

在汜水縣西北大伾山上明崇禎十六年縣遷治于此

袁紹壘

在汜水縣西睡虎山上漢末袁紹起兵討董卓與車將呂布爭成卒置壘于此

天鵬寨

在

州城西六十三里

靳砦

在密縣東南四十里縣志明工部尚書靳于中築砦于此今為新店

集又縣西北四十里有興穀砦縣南十八里有趙化砦俱昔人避兵處

蘇村

在祥符縣東南

十里宋建中靖國元年修蘇村西堤元延祐七年河決蘇村即此

黃李集

在陳留縣東接

祥符縣界有祥陳巡司

銅瓦廂集

在蘭陽縣西北二十五里初名銅牙城元嘗置縣明

正德六年設管河主簿公署尋廢

王祿店

在榮澤縣東北二十里今設守備營駐防

塚

在縣東北二十七里又東二里為東陌梁即伯牛也左傳成公三年諸侯次于伯牛杜預注鄭

地

黃榆店

在禹州城南金史伊拉布哈傳軍至黃榆店望鈞州二十五里伊拉布哈舊

作移利蒲阿今改

眉山店

在密縣東金史武善傳天興元年善至密縣接軍眉山店按

眉當作梅以近梅山而名

大梁驛

在祥符縣治東南舊有懷遠驛

武善舊作武仙今改

周顯德五年置宋景德三年更置于汴河北又上源驛唐中和四年李克用破黃巢還至汴未全忠

館之乘夜掩襲克用處也

莘城驛

在陳留縣治南

雍邱驛

在杞縣治東北

尉氏

驛

在縣治東

洧川驛

在縣治西

圃田驛

在中牟縣治東

管城驛

在鄭州治

東
索亭驛

在榮陽縣治西

廣武驛

在榮澤縣本原武縣之安城驛也明正統末移

置于此
改名

清潁驛

在禹州治東

永新驛

在新鄭縣治西

郭店驛

在新

鄭縣北四十里金史地理志
鉤州新鄭鎮一郭店

津梁天漢橋

在府治東南唐建州橋宋改名其西有金梁橋皆跨汴水五宋孟元老夢華錄

汴河橋十三蔡河橋十一五文
河橋五金水河橋三今多廢

板橋

在府城北七里唐大歷十

一年馬騶討平汴州叛將
李靈曜引軍西屯板橋

雲驥橋

在府城東南麗景門外元湯禹

有羊羔橋

在通許縣東北八里舊跨黃河

雙泊橋

在洧川縣南門外又十里有左

家橋並跨
雙洎河

惠民橋

在鄆陵縣北二里跨雙洎河

蓼澤陂橋

在中牟縣

西三十里又有東五里橋石橋並明知縣陳幼學建龍木橋在蘭陽縣北二十里迎春

橋在鄭州東門外又和濟橋在滎陽縣東門外舊義橋在州西門外志唐貞觀中尉遲敬

德監造制度雄偉明宏治間廢須水橋在滎陽縣東四十里京水橋在滎陽縣東五

十里通濟橋在滎澤縣東天橋在滎澤縣廣武山水峪之南壁立數仞僅容一人往

來高村者道必出此險若登天虹橋在汜水縣西北一里清潁橋在禹州城北門外

浮山雙橋在密縣治東舊有橋歲久本朝順治八年重建溱洧橋在密縣南

二十里南關橋在新鄭縣南門外白墓子岡渡在府城東南十五里又十

五里為清河口渡在府城南十里又時和驛渡在赤倉渡二十里為八角渡府

城北十里又十五里為柳
張家灣渡在府城西北十五里又黑

岡渡在府西北三十里於店家渡
王家樓渡在府城東

劉獸醫口渡俱在西北三十五里
孫家渡在榮澤縣

北三十里又三十
楊橋渡在中年縣北四十里

東南五十里明正統
孫盧渡在汜水縣東宋建炎二年岳飛駐軍于此

堤堰臨河堤府境黃河南北兩岸皆有堤南岸自滎澤下至鄭州中年祥符陳留蘭陽儀封

接歸德府考城縣界長二百七十里北岸自陽武
上接原武縣界下至祥符縣界長三十四里祥符

上接封邱下至陳留長五十里陳留上接祥符下
至蘭陽縣界長一百一十丈蘭陽上接陳留下至直

隸長垣縣界長四十一里儀封上接長垣下至山
東曹縣界長三千九百餘丈其間有大堤老堤新

堤月堤幫堤 本朝以來或創蓼隄 元和志在開
或因歷年修築 詳見黃河注中 封縣東北六

里梁孝王都大梁以其地卑濕東徙 金堤 水經注
睢陽乃築此堤至宋州凡三百里 漢明帝

永平十二年築堤修竭起自滎陽東至千乘海口
千有餘里順帝陽嘉中又自汴口以東緣河積石

為堰通古淮 隋堤 一名汴堤 隋大業元年築西通
口咸曰金堤 濟水南達淮泗幾千餘里統堤

植柳明正統景泰間重築鎮以鐵 樂利堤 在府城
犀亦名三里堤以去府城三里也 西水門

外又有高門堤在舊固 金村堤 在府城西北十里
子門外西北連樂利堤 又十八里堤以去

城十八里而名 西 埽頭堤 在府城東北四十里元
北接封邱縣界 至正十一年築東接陳

留縣境西接陳橋又有接岡堤接脾沙岡故名其
南為橫堤大堤又汴護堤在舊汴河北岸金水堤

在府舊
襄城外
雙洎堤

在洧川縣西北堤並雙洎河至鄆陵縣界長四十餘里明正統四年

築又有故堤在鄆陵縣北水經注邵公隄在蘭陽桐邱城南即長堤洧水之北防也

里邑人侍郎邵旻建梁公堰在滎澤縣境河陰縣議修築以障防已河梁公堰西即汴口堰也隋開

皇七年使梁睿增築漢古堰過河入汴自是更名梁公堰唐開元二年河南尹李傑奏河汴間有梁

公埽歲久埽破南方漕不通請自故渠修之十四年洛陽人劉宗器請塞舊汴河于下流開梁公堰

置斗門通淮汴廣德二年劉宴為轉運租庸使親歷河陰羣洛驗視梁公堰及李傑新堤盡得其利

病于是轉輸無壅元和志汴口堰在河陰縣西二十里

陵墓五代漢隱帝陵

在禹州城西五十里五代史漢本紀注周廣順元年葬之許州

陽翟縣

後周太祖嵩陵

在新鄭縣北寰宇記在新鄭縣自然山下馬端臨文

獻通考先時帝戒晉王刻石陵前云周天子平生好儉約遺令紙衣瓦棺

世宗慶陵

在新

鄭縣北寰宇記管城縣周世宗慶陵在邑界

按

恭帝順陵

古倉頡墓

寰宇記在開封縣東北二十里禪通記倉頡居陽武而葬

利鄉通志一名造字臺世傳倉頡造字之所

按

山東壽光縣亦有古倉頡墓齊乘曰水經注所謂

孔子問經石室

周子產墓在新鄭縣西南陘山上

者也謹並存之吾往過密縣之邢山山上有冢問耕父云是子產之冢其造冢居山之頂四望周達連山體南北之

正而邪東北向新鄭城意不望本也其隧道唯塞其後而空其前不填之示藏無珍寶不取于重深

也山多美石而不用必集消水自然之石以為冢藏貴不勞功巧而此石不入世用也君子尚其有

情小人無利可動歷千載無毀儉之至也水經注歷山上有鄭祭冢冢西有子產墓累石為方墳

墳東有廟並澹臺子羽墓水經注沙水經澹臺子羽冢東陳留風俗傳曰

襄氏鄉有澹臺子羽冢又有子羽祠京相璠曰泰山南武城有子羽冢未知孰是寰宇記子羽墓在

陳留縣南六十里通志在通許縣城東三里周子羽鄭行人段干木墓在祥符

二十里信陵君墓史記信陵君傳高祖過大梁為公

形志浚儀有信陵君冢冢五家四時奉祀魏書地

字記在開封縣南十二里侯羸墓寰宇記在浚儀

朱亥墓

在祥符縣西南朱仙鎮俗呼屠兒墓

范睢墓

寰宇記在雍邱縣北六十八里

聶政墓

在禹州城西關外相傳聶政死于韓王人爲負土成冢又有神婆墓在政墓後漢

昭靈夫人冢

在陳留縣北後漢書章帝紀章和元年遣使者祠昭靈后于小黄園漢舊

儀昭靈后高祖母起兵時死小黄後爲作園紀信廟于小黄冊魏書地形志小黃有昭靈后冢紀信

墓

在滎澤縣西南魏書地形志滎陽有紀信冢水經注信冢在城西北三里宋史真宗紀景德四

年幸西京經漢將軍紀信冢贈位太尉

周苛墓

在滎澤縣西南紀信墓之東魏書地形志

滎陽有周苛冢

李左車墓

在通許縣西二十里宋追封陪昌公傍有陪昌廟元明時黃河

決入縣境獨祠冢無恙按山東滎安縣亦有漢左車墓

張耳墓

在祥符縣東北魏書地形

志凌儀有張耳冢通志彰德府亦有墓

樊噲墓

在滎陽縣東魏書地形志京縣有樊噲冢

酈食其墓

冢字記在雍邱縣西南二十五里陳思王集植獵于高陽之下過食其墓以斗

水東藻薦于座讚曰野無厄酒雜茲行潦食無嘉有宴用巖藻舊志在今杞縣西二十五里高陽岡

酈商墓

冢字記在雍邱縣西南二十八里

張蒼墓

在陽武縣東北四里

韋賢

墓

在尉氏縣東北五十里

岑彭墓

在尉氏縣東二十里

虞延墓

冢字記在東明

縣西北二十里

魯恭墓

在中牟縣西北二十里魯村有祠按冢字記在縣治內明統志在

縣北門外皆指縣舊治也

蔡邕墓

在杞縣南五十里蔡邕冢又明地形志小黃有蔡邕冢又明

統志在府東北四十五里

邊韶墓

在杞縣東三里

黃香墓

在禹州城東北孝山上

張德墓

在密縣西北城冢記在綏溪側水經注綏溪東南流逕漢宏農太守張伯雅墓塋四

周壘石為垣隅阿相降列于綏水之陰庚門表二石闕夾對石獸于闕下冢前有石廟列植三碑碑

曰德字伯雅河內密人也舊引綏水南入瑩城而為池沼沼在丑地皆蟾蜍吐水石隍承溜池之南

又建石三國魏陳羣墓寰宇記在陳留縣北又晉阮

籍墓在尉氏縣東南三十里有碑畢卓墓在府治北又陳

州府沈邱縣唐劉文靜墓在尉氏縣東南十五里石獸斷碑猶存任

瓌墓在尉氏縣西張公瑾墓在尉氏縣西沈家村鄭善果墓

在滎澤縣西裴度墓在鄭州南三十里舊志僕射廣武山之原裴度墓在鄭州南二十五里為裴晉公墓

墓東三百五十步有廟州人謠以公為陂公墓孔

幾湮沒元至正中州同知蒲理翰訪求得之

戮墓

在榮澤縣西廣武原戮弟緯亦葬此

劉禹錫墓

在榮陽縣東檀山原鄭綱

墓

在汜水縣東二十里

五代梁王彥章墓

在密縣東南歐陽修彥章畫像按

記云葬鄭州之管城今鄭州志不載而見密縣志蓋兩地分界今昔不同也歐陽記本之彥章家傳

甚確而山東汶上縣西復有其墓蓋當日中都之人瘞其衣冠者

周李穀墓

在府東門

外宋曹彬墓

在汜水縣南八里曹家坡下高三丈許俗訛為鳳凰臺明隆慶間獵者探

狐穴得石刻一方乃知為彬冢也

潘美墓

在陳留縣北四十里王旦墓在祥符縣

東王德用墓

在榮陽縣南石棚之東有碑

陳省華墓

在新鄭縣北三十里

省華與子亮叟亮佐亮咨孫希古學古曾孫知節元孫珣皆葬此

楊億墓

在禹州城北具

炎山

王曾墓

在新鄭縣東北三十里宋至和二年賜葬并建祠名曰旌賢

曾宗

道墓

在新鄭縣西北二十五里子有方附

晏殊墓

在禹州東南二十里

蔡齊墓

在禹州西五十里

章得象墓

在禹州西南原

宋庠墓

在禹州西南三

峯山之原

吳育墓

在新鄭縣西歐陽修撰墓誌

孫甫墓

在禹州西鵠頭村北歐陽

修撰墓誌

曾公亮墓

在新鄭縣東三十里

歐陽修墓

在新鄭縣西二十五里蘇

轍撰碑

田畫墓

在禹州西南三峯山

呂公著墓

在新鄭縣北三十五里鮮

于侁墓

在禹州南三十里

元馬光祖墓

在禹州南關外十里

明周憲

王墓

在祥符縣西南朱仙鎮

周簡王墓

在滎陽縣東南四十里滎王墓亦在焉

又堦王墓在縣東北懿王
惠王莊王墓皆在縣東

周定王墓

在禹州北五
十里明山又

周恭王墓在禹
州北三十里

劉綱墓

在禹州西
六十里

馬文升墓

在禹
州北

具茨
山下

張王墓

在祥符縣西南
四十里鳳城岡

王彰墓

在鄭州西
南二里

王

廷相墓

在儀封縣
東二里

張孟男墓

在中牟縣東
五里藜邱

梁策墓

在鄆陵縣東南孝子岡萊以
孝稱明大學士沈鯉誌其墓

劉理順墓

在杞縣北
十里許

四安冢

在鄭州
東南

祠廟大禹廟

在祥符縣東南吹臺
上康熙三十三年

聖

祖

唐書功存河洛廟額
唐天寶元年建

又禹州西南有禹王廟
本朝康熙元年重修

湯王廟

在禹州北門內明嘉靖十年
建本朝康熙元年重修
殷高宗廟在鄆陵縣南二十里

昭武廟

在汜水縣西伏蛟山上唐書地理志汜水牛口渚西一里伏龜山有昭武廟會昌五

年置春明退朝錄汜水縣有武牢關城內有山數峯一峯上有唐昭武廟縣志昭武廟祀周穆王

惠王襄王漢高祖昭烈唐高祖太宗其配享者晉文公悼公等諸侯知武子孟獻子等諸大夫共一

百二十人皆有事於武牢者宋太祖嘗謁此廟祀以太牢元時額森特穆爾據虎牢毀之今遺址猶

存額森特穆爾舊漢高祖廟在滎澤縣西廣武作也先帖木兒今改

五十里有神后山神廟在禹州西神后山如堂廟漢高祖廟前明永樂二年建

在密縣東北二十里亦山神廟也爾雅山如堂者曰密名勝志山如堂者大隄足以當之開陽

廟

在密縣西北開陽山下邑人祈晴多應

白龍王廟

在密縣南柏崖山金大定元年

建明永樂間敕修

伯益廟

在密縣東四十里一名百蟲將軍廟水經注密有百蟲將軍顯

靈碑碑云將軍姓伊氏諱益字廣歆帝高陽之第二子伯益者也晉元康五年順人吳義等建立堂

廟縣志百蟲將軍廟最古歲祭縣令必躬親之

元聖廟

在陳留縣治後祀伊尹又舊有祠在

祀縣西二十里空桑城宋大中祥符七年真宗幸伊尹廟立石御製碑銘并書

潁考叔祠

在洧川縣南大隱山上

晉文公廟

有二一在汜水縣南五里一在河陰縣西十五里

三賢祠

在新鄭縣東北祀鄭子產唐裴度宋王曾三賢冢相近宋韓琦有贊

子產祠

在新鄭縣治西北晉書李矩傳劉聰遣從弟楊討矩矩未暇為備令郭誦禱鄭子產祠使巫楊言東

里有教當相助將士皆踊躍爭進魏書地形志廣武郡苑陵有子產祠即此又鄭州東有鄭大夫廟

亦祀遺愛祠在禹州東北隅祀鄭子冉子廟在杞

北伯牛岡上祀冉伯牛通志廟近伯牛墓列子廟在中年縣西鄭州界

信陵君廟在祥符盧醫廟在汜水縣東上紀將軍

廟在滎澤縣西南故滎陽城西祀漢紀信明正統三年秋重建追封滎陽侯謚忠烈命有司致祭

樊將軍廟在滎陽縣東南三里祀漢樊噲黃丞相祠在禹州東

祀黃霸唐建中初縣令黃卓太傅祠有二一在密

甫曾改建于州西關外在縣東南太駝鎮東魏書樂巴祠在新鄭縣魯公

地形志密有卓茂冢祠

廟

在中牟縣三異坊祀漢魯恭水經注清水東經中牟宰魯恭祠南宋史真宗祀景德四年辛酉

京經漢司徒魯恭廟贈恭太師

董宣廟

在杞縣西南固城內明宏治九年建

張公祠

在陽武縣治南祀後漢縣令張玘

陳太邱祠

在鄆陵縣西八里漆井村祀漢陳寔有漢

蔡邕碑記

陸雲祠

在祥符縣治東北三里

祖逖廟

在杞縣北

李衛公廟

在祥符縣南六十里祀唐李靖

三賢祠

在祥符縣東南吹臺上祀唐高適李白杜甫明毛伯

溫有記

雙廟

在中牟縣萬勝鎮祀唐張巡許遠

裴晉公廟

在鄭州南

祠

在新鄭縣北門外祀唐裴度宋王曾呂蒙正曹公亮陳肖華陳堯佐吳育歐陽修鄭居中呂公

署
索長官祠

在密縣治西北隅又有墓在西南二里許古碑遺像猶存梁佐廟記長官

未知何許人據圖經所述密有惡獸為患長官選
膽勇者一人執牒而往獸銜牒至訟庭踞地而伏
長官呵叱出境自是無
患府志長官五代時人

包公祠

在祥符縣治西明
成化中建祀宋開

封尹
包拯

李公祠

在祥符縣治
北祀宋李綱

宗公祠

在祥符縣治西
北祀宋宗澤

岳忠武祠

在祥符縣西南朱仙鎮明成
化二十一年建何孟春有記

十賢祀

在

符縣東南大梁書院內明萬歷十一年建祀宋周
二程邵張五子司馬光朱子呂祖謙張栻元許衡

名賢祀

在祥符縣治西明嘉靖三十九年建祀宋
開封尹錢若水寇準畢士安陳恕呂夷簡

杜衍范仲淹呂餘慶王巖叟張方平陳堯佐蔡襄
馮京歐陽修明開封知府王博萬信韓英孫珍

若仙廟

在禹州東門外一里許祀金若
本朝順治十六年重修

許魯齋祠

在新鄭縣文廟東南元大德七年建祀
許衡後廢明宣德間重建薛瑄有記
中山王廟

在祥符縣南吹臺西祀明中山武寧王徐達以常
遇春李善長沐英劉基馮勝湯和胡大海鄧愈李

文忠
配享
褒忠祠
在祥符縣南祀明鐵鉉邊昇王
良季堅楊本皆建文時死難者
庇民

祠
在祥符縣治西祀明少保于謙即謙巡撫
河南時舊廨也成化中建李夢陽有記
薛文

清祠
在鄆陵縣治東祀明薛瑄瑄少隨父任鄆陵
教諭由河南發解為世儒宗嘉靖中邑人給

事中陳鼎上疏請
建祠鄆陵詔從之
名撫祠
在祥符縣南明萬曆四
年建祀明巡撫王佐李

奎王選王恕原傑秦絃徐恪韓文陶琰鄧庠鄧天
璋何天衢徐讚魏有本雒昂章煥凡十六人焉

許忠節祠
在祥符縣南祀
明副使許達
忠賢祠
在祥符縣東北
陳橋鎮祀明巡

撫王漢及汴城殉難諸臣

鍾公祠

在府城內祀明巡撫鍾化民

馬端肅祠

在禹

州北門外祀明馬文升

邵鄭二公祠

在禹州東祀明知州邵寶鄭振光

高文

襄祠

在新鄭縣北門內祀明高拱

寺觀大相國寺

在府治東北齊天保六年始建名曰建國唐睿宗改為相國寺宋至道二

年重建題寺額曰大相國寺宋孟元老夢華錄相國寺每月五次開放萬姓交易又遼使入朝見訖

翌日詣大相國寺燒香金章宗元世祖明太祖相繼重修成化二十年改名崇法崇禎十五年河水

淤沒本朝順治十六年巡撫賈漢復重建仍名大相國寺歲久傾圮乾隆三十一年巡撫阿思哈

奏請重修

御書古汴名藍匾額暨

御製

碑封禪寺

在府城東石晉末百官出迎遼主於封禪寺即此

寶相寺

在府城西

大梁門外後唐長興元年建明洪武三十年重建

大延壽甘露寺

即古工方寺在

府城內東北隅五代晉天福中建於明德坊名等覺禪林宋乾德中遷此慶曆中改名工方寺內有鐵色琉璃塔又有海眼井本朝乾隆十六年改修

賜今名

御題華嚴香海匾額並

御書

對孝嚴寺

在府城內西北隅本宋太尉楊業家廟業元節朔方其子請改為寺以薦父太

宗嘉之賜額孝嚴明洪武間重修

清涼寺

有二一在府城東梳頭岡明景泰元年建一在

杞縣城西北文村

寶峯寺

在陳留縣東十里宋建明洪武八年改為聖壽寺今仍名寶峯

袂福寺

有三一在祀縣南六十里東魏武定五年建一在通許縣西門外一在中牟縣東南

二十里俱

乾明寺

在鄆陵縣西北唐時建內有塔唐時建十三層本朝順治六年重修

天寧寺

在鄆陵縣東南宋崇寧三年建本朝順治七年重建

興國寺

在中牟縣

治南一名佛道寺有宋時石幢高六尺今存

興果寺

在中牟縣南高澤里明天順間建鑄

銅佛一千一百尊亦名千佛寺

東昏寺

在蘭陽縣東城元時建寺內有石塔

開元寺

在鄭州治東唐開元中建有塔

崇聖寺

在鄭州北郭外宋熙寧中創建明洪武十五年重建

等慈寺

在汜水縣東北二里元和志在縣東七里王師既破建德有詔于戰所起寺立碑記

功顏師古撰文

天寧萬壽寺

在禹州治西北宋崇寧元年建內有宋仁宗御書

法

海寺

在密縣治西宋咸平四年建縣志寺前有塔青白石雜為之高十餘級四面自基至頂鑿

蓮經一部字畫遒勁宋超化寺在密縣南十八里張哲有法海寺石塔記

香峪寺

有三上香峪寺在密縣西北唐天寶七年建中香峪寺亦在縣西北宋開寶元年建

下香峪寺在縣西開寶二年建清微萬壽寺

在禹州治西南後漢光武時建明嘉靖九

年改為宗學撤神像內有光武敕書玉璽之文後復為宮

天仙宮

在密縣東五里天仙洞旁

中有白松

雲巖宮

在密縣東四十里雲巖洞旁岱大十四圍有唐獨孤及風后八陣圖碑

嶽觀

在府城東郭內元元統間建明永樂中重修

延慶觀

在府治東南舊為元朝萬

壽宮明洪武六年改今名其側有延祐觀

溥仁觀

在陳留縣祀河神乾隆元年

御書惠應安瀾匾額又祥符縣程家寨有河神廟乾隆

元年

御書安流應瑞匾額又汜水縣東北四十里有河神祠

隋開皇七年開渠之日於大河分流處建立封邱

縣西南荆隆口有河濱佑寧觀在中牟縣楊橋祀

廟明成化八年建立

佑寧觀

河神乾隆二十六

年因修築黃河楊橋漫口大工迅成魚有返風之

應

上命即工所建祠

賜名佑寧觀

御書羣佑金堤匾額

御製文勤碑觀中並

御製誌事詩三

章錫碑陰

逍遙觀

在汜水縣南元大德八年重修

太清觀

有二一在禹州

西南角子山宋宣和中建一在新鄭縣西南二十里觀後鑿土洞極深建老子祠於其內名伏陽洞

後改名
升陽洞

欽定大清一統志卷一百五十